



流  
十  
四

九十

~ 16  
2527  
6



和 16  
2527  
10-6

評苑文選傍訓大全卷之九



評苑文選傍訓大全卷之九

評苑文選傍訓大全卷之九

欽差提督紫荆等關易州兵備副使信安四泉余國寶總閱

保定府知府新城齊字王象乾刪訂



騷類

離騷經

離別也騷愁也言已遭放逐離別愁苦猶陳正道以諷諫也諸註同與不一今

參用唐宋各家註而折衷之

屈原

原字平與楚同姓仕為三閭大夫上官靳

尚如其能潛毀之王流之江南原乃

作離騷經終不見省遂赴汨淵而死

帝高陽之苗裔兮

朕皇考曰伯庸

攝提貞于孟陬兮

惟

庚寅吾以降

皇覽揆余于初度兮

肇錫余以嘉名

召余

曰正則兮

字余曰靈均

紛吾既有此內美兮

又重之以

脩能

扈江離與辟芷兮

紉秋蘭以為佩

汨余若將不及

平在芳川

風月

六正九年三月二十四日  
磯貝靜好



兮恐年歲之不吾與朝搴阰之木蘭兮夕攬洲之宿莽  
日月忽其不淹兮春與秋其代序惟草木之零落兮恐  
美人之遲暮不撫壯而棄穢兮何不改其此度也乘騏  
驥以馳騁兮來吾導夫先路昔三后之純粹兮固衆芳  
之所在雜申椒與菌桂兮豈維紉夫蕙蒨彼堯舜之耿  
介兮既遵道而得路何糾糾之昌披兮夫唯捷徑以窘  
步惟黨人之偷樂兮路幽昧以險隘豈余身之憚殃兮  
恐皇輿之敗績忽奔走以先後兮及前王之踵武荃不  
察余之中情兮反信讒而齊怒余固知謇謇之爲患兮  
忍而不能舍也指九天以爲正兮夫唯靈脩之故也曰

言本在詩中

山名

謂中央八方

濟

直言見

一本無此句

黃昏以爲期兮羌中道而改路初既與余成言兮後悔  
遯而有佗余既不難夫離別兮傷靈脩之數化余既滋  
蘭之九畹兮又樹蕙之百畝畦菑蕘與揭車兮雜杜蘅  
與芳芷其枝葉之峻茂兮願埃時乎吾將刈雖萎絕其  
亦何傷兮哀衆芳之蕪穢衆皆競進以貪婪兮憑不狀  
乎求索羌內恕己以量入兮各興心而嫉妬忽馳騫以  
追逐兮非余心之所急老冉冉其將至兮恐脩名之不  
立朝飲木蘭之墜露兮夕餐秋菊之落英苟余情其信  
矯以練要兮長願頌亦何傷繫木根以結莖兮貫薛荔  
之落葉矯菌桂以紉蕙兮索胡繩之纏纏塞吾法夫前

十二畝爲畹

盛貞

受財曰貪受食曰婪

始也

平在詩中

未嘗草

索好兒

脩兮非世俗之所服。雖不周於今之人兮。願依彭咸之遺則。長太息以掩涕兮。哀人生之多艱。余雖好脩姱以鞿羈兮。謇朝諝而夕替。既替余以蕙纒兮。又申之以攬。匪亦余心之所善兮。雖九死其猶未悔。怨靈脩之浩蕩兮。終不察夫人心。衆女嫉余之娥眉兮。謠諑謂余以善淫。固時俗之工巧兮。偃規矩而改錯。背繩墨以追曲兮。競周容以為度。怵鬱悒余侘傺兮。吾獨窮困乎此時也。寧溘死以流亡兮。余不忍為此態也。鸞鳥之不羣兮。自前世而固然。何方圓之能周兮。夫孰異道而相安。屈心而抑志兮。忍尤而攘詭。伏清白以死直兮。固前聖之所

言才修詞

一本作脩

〇二

屈賦

厚。悔相道之不察兮。延佇乎吾將反。迴朕車以復路兮。及行迷之未遠。步余馬於蘭皋兮馳椒丘且焉止息。進不入以離尤兮。退將復脩吾初服。製芰荷以為衣兮。集芙蓉以為裳。不吾知其亦已兮。苟余情其信芳。高余冠之岌岌兮。長余佩之陸離。芳與澤其雜糅兮。唯昭質其猶未虧。忽反顧以游目兮。將往觀乎四荒。佩繽紛其繁飾兮。芳菲菲其彌章。人生各有所樂兮。余獨好脩以為常。雖體解吾猶未變兮。豈余心之可懲。女嬃之嬋媛兮。申申其詈予。曰：鮀婞直以亡身兮。終然天乎羽之野。汝何博謔而好脩兮。紛獨有此姱節。賚蓀薺以盈室兮。判

言才修詞

一本作脩

〇二

屈賦

一作鮀

主蓀

三言皆志也

疾藜

三言皆志也

獨離而不服。衆不可戶說兮。孰云察余之中情。世並舉而好朋兮。夫何繁獨而不予聽。依前聖之節中兮。謂憑心而歷茲。濟沅湘以南征兮。就重華而陳詞。啓九辯與九歌兮。夏康娛以自縱。不顧難以圖後兮。五子用失乎家巷。翔淫遊以佚由兮。又好射夫封狐。固亂流其鮮終兮。澠又貪夫厥家。澆身被服。疆園兮。縱欲而不忍。日康娛而自忘兮。厥首用夫顛隕。夏桀之常違兮。夕遂焉而逢殃。同辛之菹醢兮。殷宗用而不長。湯禹嚴而祗敬兮。周論道而莫差。舉賢而授能兮。循繩墨而不頗。皇天無私阿兮。覽民德焉。鑠輔夫維聖哲。以茂行兮。苟得用此

下士。瞻前而顧後兮。相觀人之計極。夫孰非義而可用兮。孰非善而可服。咄余身而危死兮。覽余初其猶未悔。不量鑿而正枘兮。固前脩以菹醢。曾歎歎余鬱悵兮。哀朕時之不當。攬茹蕙以掩涕兮。霑余襟之浪浪。跪敷衽以陳辭兮。耿吾既得此中正。馳玉虬以乘鸞兮。溘埃風余上征。朝發軔於蒼梧兮。夕余至乎懸圃。欲少留此靈璣兮。日忽忽其將暮。吾令羲和弭節兮。望崦嵫而勿迫。路漫漫其脩遠兮。吾將上下而求索。飲余馬於咸池兮。馳余轡乎扶桑。折若木以拂日兮。聊須臾以相羊。前望舒使先驅兮。後飛廉使奔屬。鸞皇為余先戒兮。雷師告

九辯九歌禹之樂一放子太康也  
九辯九歌禹之樂一放子太康也  
良友諸侯名  
寒泥子  
為水康所誅其首顛隕而墮地也  
散紂之名  
後比于醢梅伯也  
作俗  
康之第五人須洛納諸歌  
逸曰禹之子也

月御也  
風伯也  
日所拂木也  
在崑崙西極其華照下地  
日所浴也  
風別名

余以未具吾令鳳皇飛騰兮。又繼之以日夜。飄風屯其相離兮。帥雲霓而來。御紛總總其離合兮。班陸離其上。下吾令帝閭開關兮。倚閭闔而望予。時曖曖其將罷兮。結幽蘭而延佇。世溷濁而不分兮。好蔽美而嫉妬。朝吾將濟於白水兮。登閼風而緹馬。忽反顧以流涕兮。哀高丘之無女。溘吾遊此春宮兮。折瓊枝以繼佩。及榮華之未落兮。相下女之所詒。吾令豐隆乘雲兮。求處妃之所。在解佩纒以結言兮。吾令寒脩以為理。紛總總其離合兮。忽緯繡其難遷。夕歸次於窮石兮。朝濯髮乎滄盤。保厥美以驕傲兮。日康娛以淫遊。雖信美而無禮兮。來違

奔而改求。覽相觀於四極兮。周流乎天。余乃下望瑤臺之偃蹇兮。見有娥之佚女。吾令鴉為媒兮。鴉告余以不姱。雄鳩之鳴逝兮。余猶惡其佻巧。心猶豫而狐疑兮。欲自適而不可。鳳皇既受詒兮。恐高辛之先我。欲遠集而無所止兮。聊浮遊以逍遙。及少康之未家兮。留有虞之二姚。理弱而媒拙兮。恐導言之不固。時溷濁而嫉賢兮。好蔽美而稱惡。閨中既邃遠兮。哲王又不寤。懷朕情而不發兮。余焉能忍與此終古。索瓊茅以筮筮兮。命靈氛為余占之。曰兩美其必合兮。孰信脩而慕之。思九州之博大兮。豈唯是其有女。曰勉遠逝而無狐疑兮。孰求美

諸侯之於

五

而釋女何所獨無芳草兮爾何懷乎故宇時幽昧以眩  
惑亂也曜兮孰云察余之美惡人好惡其不同兮惟此黨人其  
獨異戶服艾以盈要兮謂幽蘭其不可佩覽察草木其  
猶未得兮豈理美之能當蕪糞壤以充幃兮謂申椒其  
不芳欲從靈氛之吉占兮心猶豫而狐疑巫咸將夕降  
兮懷椒櫛而要之百神騫其備降兮九疑續其並迎皇  
楚所獲也刻刻其揚靈兮告余以吉故口勉升降以上下兮求矩  
律也矱之所同湯禹儼而求合兮擊皐繇而能調苟中情其  
好脩兮何必用夫行媒說操築於傅巖兮武丁用而不  
疑呂望之鼓九兮遭周文而得舉甯戚之謳歌兮齊桓

聞以該輔及年歲之未晏兮時亦猶其未央恐鴟鴞之  
先鳴兮使百草為之不芳何瓊珮之偃蹇兮眾蓂然而  
蔽之惟此黨人之不亮兮恐嫉妬而折之時續紛其變  
易兮又何可以淹留蘭芷變而不芳兮荃蕙化而為茅  
何昔日之芳草兮今直為此蕭艾也豈其有他故兮莫  
好脩之害也余以蘭為可恃兮卷無實而容長委厥美  
懷王弟司馬子蘭也以從俗兮苟得列乎眾芳椒專佞以慢慝兮椒又欲充  
楚大夫子椒也其佩幃旣于進而務入兮又何芳之能祗固時俗之從  
流兮又孰能無變化覽椒蘭其若茲兮又况揭車與汙  
離惟茲佩之可貴兮委厥美而歷茲芳菲菲而難虧兮

芬至今猶未沫和調度以自娛兮聊浮游而求女及余  
飾之方壯兮周流觀乎上下靈氛既告余以吉占兮歷  
吉日乎吾將行折瓊枝以為羞兮精瓊蘂以為棖為余  
駕飛龍兮雜瑤象以為車何離心之可同兮吾將遠逝  
以自疏遺吾道夫崑崙兮路脩遠以周流揚志雲霓之  
晻藹兮鳴玉鸞之啾啾朝發軔於天津兮夕余至乎西  
極鳳皇翼其承旒兮高翔翔之翼翼忽吾行此流沙兮  
遵赤水而容與麾蛟龍使梁津兮詔西皇使涉京路脩  
遠以多艱兮騰衆車使徑待路不周以左轉兮指西海  
以為期屯余車其千乘兮齊玉軾而並馳駕八龍之婉

婉兮載雲旗之逶迤抑志而弭節兮神高馳之  
九歌而舞韶兮聊假日以愉樂陟升皇之赫戲兮忽臨  
睨夫舊鄉僕夫悲余馬懷兮蜷局顧而不行亂曰已矣  
哉國無人莫我知兮又何懷乎故都既莫足與為美政  
兮吾將從彭咸之所居

九歌四首

湘湘之間其俗信鬼好祀原見其視  
辭鄙陋因為更定且以事神之言寓  
忠君之意而辭之所指惟在神  
耳舊註牽合附會一為正之

東皇太一

每篇之目皆楚神太一星名祠在楚  
東以配東帝故云東皇自此至少司  
命皆寓意以神  
喻君巫喻臣也

屈原

吉日兮辰良穆將愉兮上皇撫長劔兮玉珥璆鏘鳴兮



琳琅瑤席兮玉璫，瑤將把兮瓊芳。蕙肴蒸兮蘭藉，奠桂酒兮椒漿。揚枹兮拊鼓，疏緩節兮安歌。陳竽瑟兮浩倡，靈偃蹇兮姣服。芳菲菲兮满堂，五音紛兮繁會。君欣欣兮樂康。

雲中君 雲中君，雲一師屏翳也。

浴蘭湯兮沐芳華，采衣兮若英。靈連蜷兮既留，爛昭昭兮未央。蹇將憺兮壽宮，與日月兮齊光。龍駕兮帝服，聊翔游兮周章。靈皇皇兮既降，焱遠舉兮雲中。覽冀州兮

有餘，橫四海兮焉窮。思夫君兮太息，極勞心兮懔懔。湘君 湘水神，楚長女，舜正妃也。

君不行兮夷猶，蹇誰留兮中洲。美要眇兮宜修，沛吾乘兮桂舟。令沅湘兮無波，使江水兮安流。望夫君兮興咨，橫涕兮哀歌。涕泣兮淋瀝，涕泣兮淋瀝。哀心兮

兮蕙纈，承沓橈兮蘭旌。望滄陽兮極浦，橫大江兮揚靈。揚靈兮未極，女嬃媛兮為余太息。橫流涕兮潺湲，隱思君兮睢側。桂枝擢兮蘭楫，斲冰兮積雪。采薜荔兮水中，攀芙蓉兮木末。心不同兮媒勞，恩不甚兮輕絕。石瀨兮淺淺，飛龍兮翩翩。交不忠兮怨長，期不信兮告余以不聞。朝騁鷺兮江皋，夕弭節兮北渚。鳥次兮屋上，水周兮堂下。捐余玦兮江中，遺余珮兮澧浦。采芳洲兮杜若，將以

遺兮下女時不可兮再得聊逍遙兮容與

湘夫人

荆次女舜次妃也正如稱君故降稱夫人

帝子降兮北渚目眇眇兮愁予嫋嫋兮秋風洞庭波兮

木葉下登白蘋兮騁望與佳期兮夕張鳥萃兮蘋中

何為兮木上沅有芷兮澧有蘭思公子兮未敢言慌忽

兮遠望觀流水兮潺湲廉何為兮庭中蛟何為兮水間

朝馳余馬兮江皋夕濟兮西澨聞佳人兮召予將騰駕

兮偕逝築室兮水中葺之兮以荷蓋荃壁兮紫壇播芳

椒兮成堂桂棟兮蘭橈辛夷楣兮蒨房罔薜荔兮為帷

擗蕙櫜兮既張白玉兮為鎮疏石蘭以為芳芷葺兮荷

屋綵之兮杜蘅合百草兮實庭建芳馨兮廡門九疑續  
兮並迎靈之來兮如雲揄余袂兮江中遺余襟兮澧浦  
搴汀洲兮杜若將以遺兮遠者時不可兮驟得聊逍遙  
兮容與

少司命 司命星名主知生死

秋蘭兮麝蕪羅生兮堂下綠葉兮素華芳菲菲兮襲予

夫人自有兮美子蓀何為兮愁苦秋蘭兮青青綠葉兮

紫莖滿堂兮美人忽獨與余兮目成入不言兮出不辭

乘回風兮載雲旗悲莫悲兮生別離樂莫樂兮新相知

荷衣兮蕙帶倏而來兮忽而逝夕宿兮帝郊君誰須兮

雲之際與汝游兮九河衝飈起兮水揚波與汝沐兮感

池晞汝髮兮陽之阿望美人兮未來臨風悅兮浩歌孔

蓋兮翠旌登九天兮撫琴星竦長劍兮擁幼艾荃獨宜

兮為民正

山鬼以上諸篇皆人慕神之辭此篇鬼陰而賤不可比君故以人况君以鬼喻已而為鬼

若有人兮山之阿被薜荔兮帶女蘿既含睇兮又宜笑

子慕予兮善窈窕乘赤豹兮從文狸辛夷車兮結桂旗

被石蘭兮帶杜衡折芳馨兮遺所思余處幽篁兮終不

見天路險難兮獨後來表獨立兮山之上雲容容兮而

在下杳冥冥兮卷晝晦東風飄兮神靈雨留靈脩兮

憺忘歸歲既晏兮孰華予采三秀兮於山間石磊磊兮

葛蔓蔓怨公子兮悵忘歸君思我兮不得聞山中人兮

芳杜若飲石泉兮蔭松柏君思我兮然疑作雷填填兮

雨冥冥援啾啾兮夜鳴風颯颯兮木蕭蕭思公子兮

徒離憂

九章一首九章者屈原之所作也屈原既放思君憂國隨事感觸輒形諸聲後人輯

余幼好此奇服兮年既老而不衰帶長鋏之陸離兮冠

切雲之崔嵬被明月兮佩寶璐世溷濁而莫予知兮吾

屈原

之得其九章非一

時作也此其一耳

屈原

冠名

切雲之崔嵬被明月兮佩寶璐世溷濁而莫予知兮吾

方高馳而不顧，駕青虬兮，驟白螭。吾與重華游兮，瑤之圃。登崐崙兮，殲玉英。與天地兮，比壽與日月兮。齊光哀南夷之莫吾知兮，且余濟乎江湘。乘鄂渚而反顧兮，歎秋冬之緒風。步余馬兮，山臯低。余車兮，方林乘。船船余上沉兮，齊吳榜以擊汰。船容與而不進兮，淹回水而凝滯。朝發枉渚兮，夕宿辰陽。荷余心其端直兮，雖僻遠之何傷。入淑浦余遄迴兮，迷不知吾之所如。深林杳以冥冥兮，乃獲狝之所居。山峻高以蔽日兮，下幽晦以多雨。霰雪紛其無垠兮，雲霏霏而承宇。哀吾生之無樂兮，幽獨處乎山中。吾不能變心而從俗兮，固將愁苦而終窮。

接輿號首兮，桑扈羸行。忠不必用兮，賢不必以。伍子逢殃兮，比干殖醢。與前世而皆然兮，吾又何怨乎今之人。余將董道而不豫兮，固將重昏而終身。

涉江

上居原哀憫當世違正習邪故陽為不知而假下以決取舍用以警俗非真有疑而問也

屈原

屈平既放，三年不得復見。竭智盡忠，蔽鄣於讒。心煩意亂，不知所從。乃往見太卜鄭詹尹曰：余有所疑，願因先生決之。詹尹乃端策拂龜曰：君將何以教之。屈原曰：吾寧悃悃款款，朴以忠乎？將送往勞來，斯無窮乎？寧誅鋏

草茅以力耕乎將游大人以成名乎寧正言不諱以危  
身乎將從從富貴以媮生乎寧超然高舉以保真乎將  
啜菽飲水斯嚙啾嚙以事婦人乎寧廉潔正直以自清  
乎將突梯滑稽如脂如韋以絜楹乎寧昂昂若千里之  
駒乎將泛泛若水中之鳧乎與波上下偷以全吾軀乎  
寧與騏驎抗軌乎將隨駑馬之迹乎寧與黃鵠比翼乎  
將與鷄鶩爭食乎此孰吉孰凶何去何從世溷濁而不  
清蟬翼為重千鈞為輕黃鍾毀弄瓦釜雷鳴讒人高張  
賢士無名吁嗟嘿嘿兮誰知吾之廉貞詹尹乃釋策而  
謝曰夫尺有所短寸有所長物有所不足智有所不明

數有所不逮神有所不通用君之心行君之意龜策誠  
不能知此事

漁父 漁父疑亦賢而隱於漁者或原設為問答以自見也 屈原

屈原既放遊於江潭行吟澤畔顏色憔悴形容枯槁漁  
父見而問之曰子非三閭大夫與何故至於斯屈原曰  
世人皆濁我獨清眾人皆醉我獨醒是以見放漁父曰  
聖人不疑滯於物而能與世推移世皆濁何不混其泥  
而揚其波眾人皆醉何不餽其糟而歎其醪何故深思  
高舉自令放為屈原曰吾聞之新沐者必彈冠新浴者  
必振衣安能以身之察察受物之汶汶者乎寧赴湘流

詩經傳註卷之九

葬於江魚腹中安能以皓皓之白蒙世俗之塵埃乎漁父莞爾而笑鼓枻而去歌曰滄浪之水清兮可以濯我纓滄浪之水濁兮可以濯我足遂去不復與言

九辯五首

玉惜其師忠信思故故作此辭以辯之皆代原之意

宋玉

玉屈原弟一子楚大夫

猶博喻也

悲哉秋之為氣也蕭瑟兮草木搖落而變衰僚慄兮若在遠行登山臨水兮送將歸泫寥兮天高而氣清寂寥兮收潦而水清憫悽增欷兮薄寒之中人愴愴兮憤恨兮去故而就新坎壈兮貧士失職而志不平廓落兮羈旅而無友生惆悵兮而私自憐燕翩翩其辭歸兮蟬寂寞

而無聲鴈雁雍而南游兮鴟鷃啁晰而悲鳴獨申旦而不寐兮哀蟋蟀之宵征時臺臺而過中兮寒淹留而無成○悲憂窮蹙兮獨處廓有美一人兮心不釋去邗離家兮來遠客超逍遙兮今焉薄專思君兮不可化君不知兮可奈何蓄怨兮積思心煩懣兮忘食事願一見兮道余意君之心兮與余異車駕兮竭而歸不得見兮心悲倚結軫兮太息涕潸潸兮露軼慷慨絕兮不得中替亂兮迷惑私自憐兮何極心怛怛兮諒直○皇天平分四時兮竊獨悲此凜秋白露既下降百草兮奄離披此梧楸去白日之昭昭兮襲長夜之悠悠離芳藹之方壯

詩表伊諫金龜之加

五

五

兮。余委約而悲愁。秋既先戒以白露兮。冬又申之以嚴霜。收恢台之孟夏兮。然坎際而沈藏。葉菸甚而無色兮。枝煩拏而交橫。顏淫溢而將罷兮。柯彷彿而萎黃。前櫛慘之可哀兮。形銷鑠而疼傷。惟其紛糅而將落兮。恨其失時而無當。擊騏驎而下節兮。聊逍遙以相羊。歲忽忽而道盡兮。恐余壽之弗將。悼余生之不時兮。逢此世之維攘。澹容與而獨倚兮。蟋蟀鳴此西堂。心怵惕而震盪兮。何所憂之多方。仰明月而太息兮。步列星而極明。竊悲夫蕙華之曾敷兮。紛穢旋乎都房。何曾華之無實兮。從風雨而飛颺。以為君獨服此蕙兮。卷無以異於衆。

一本作擊

運行貝

自設動也

① 猶公開言說使誰也

芳閔奇思之不通兮。將去君而高翔。心閔憐之慘悽兮。願一見而有明。重無怨而生離兮。中結軫而增傷。豈不鬱陶而思君兮。君之門以九重。猛犬狺狺而迎吠兮。關梁閉而不通。皇天淫溢而秋霖兮。后土何時兮得乾。塊獨守此無澤兮。仰浮雲而永歎。○何時俗之工巧兮。背繩墨而改錯。却麒麟而不乘兮。策駑駘而取路。當世豈無麒麟兮。誠莫之能善御。見執轡者非其人兮。故駒駘而遠去。鳧雁皆嘆。夫梁藻兮。鳳愈飄翔。而高舉。鸞鷟而方枘兮。吾固知其鉏鋸而難入。衆鳥皆有所登棲兮。鳳獨遑遑而無所集。願銜枚而無言兮。嘗被君之渥洽。太

詩表伊諫金龜之加

五

五

公九十乃顯榮兮誠未遇其匹合謂騏驎兮安歸謂鳳

皇兮安棲變古易俗兮世衰今之相者兮舉肥騏驎伏

匿而不見兮鳳皇高飛而不下鳥獸猶知懷德兮何云

賢士之不處驥不驟進而求服兮鳳亦不貪餒而妄食

君奔遠而不察兮雖願忠其焉得欲寂寞而絕端兮竊

不敢忘初之厚德獨悲秋其傷人兮憑鬱鬱其何極

招魂 古者人死則以其服升屋而招之此必原始死而玉作以招之也舊註皆云施之生

時欲以諷楚王殊未安

宋玉

朕幼清以廉潔兮身服義而未沫主此盛德兮率於俗

而蕪穢上無所考此盛德兮長離殃而愁苦帝告巫陽

曰有人在上下我欲輔之鬼鬼離散汝筮予之巫陽對曰

掌夢上帝其命難從若必筮予之恐後謝之不能復用

巫陽焉乃下招曰鬼兮歸來去君之恒幹何為乎四方

些舍君之樂處而離彼不祥些鬼兮歸來東方不可以

託些長人千仞惟鬼是索些十日代出流金鑠石些彼

皆習之鬼往必釋些歸來歸來不可以託些鬼兮歸來

南方不可以止些離題黑齒得人肉以祀以其骨為醢

些蝮蛇蓊蓊封狐千里些雄虺九首往來儵忽吞人以

益其心些歸來歸來不可以久淫些鬼兮歸來西方之

害流沙千里些旋入雷淵靡散而不可止些幸而得脫

西方之地極不至沙流從構千里又無所脫者也

招魂者本掌夢之官所主也

東方有長人國其鬼似主或魂而食之

南極之人雕畫其額齒牙畫黑常食齧與得人之肉用祭先祖復以其骨為醢



其外曠宇些。赤蟻若豹。玄蠶若壺些。五穀不生。藁菅是  
 食些。其土爛人求水無所得些。彷徨無所倚。廣大無所  
 極些。歸來歸來。恐自遺賊些。鬼兮歸來。非左不可以止  
 些。增冰峨峨。飛雪千里些。歸來歸來。不可以久些。鬼兮  
 歸來。君無上天些。虎豹九關。啄害下人些。一夫九首。拔  
 木九千些。豺狼從目。往來僂僂些。懸人以嬉。投之深淵  
 些。致命於帝。然後得瞑些。歸來歸來。往恐危身些。鬼兮  
 歸來。君無下此幽都些。地下幽都故曰幽都土伯九約。其角觶觶些。敦朕血  
 拇。逐人駭駭些。參目虎首。其身若牛些。此皆其人。歸來  
 歸來。恐自遺災些。鬼兮歸來。入脩門些。工祝招君。背行

先些。秦篝齊縷。鄭綿絡些。招具該備。永嘯呼些。鬼兮歸  
 來。反故居些。天地四方。多賊姦些。像設君室。靜聞安些。  
 高堂邃宇。檻層軒些。有木謂之臺無木謂之櫺層臺累榭。臨高且些。網戶朱綴。刻  
 方連些。橫木闕柱為連冬有突厦。夏室寒些。川谷徑復。流潺湲些。光風  
 轉蕙。汜崇蘭些。經堂入奧。朱塵筵些。砥室翠翘。挂曲瓊  
 些。翡翠珠被。爛齊光些。翡翠阿拂。壁羅幃張些。纂組綺縠  
 結琦璜些。室中之觀。多珍怪些。蘭膏明燭。華容備些。二  
 八侍宿。射遞代些。九侯淑女。多迅衆些。盛鬋不同。制實  
 滿宮些。容態好比。順彌代些。弱顏固植。春其有意些。姱  
 容脩態。組洞房些。蛾眉曼睩。目騰光些。靡顏膩理。遺視

聯些。離榭脩幕侍君之間些。翡翠翠帳飾高堂些。紅壁  
沙版玄玉之梁些。仰觀刻栴畫龍蛇些。坐堂伏檻臨曲  
池些。芙蓉始發雜芰荷些。紫莖屏風文緣波些。文異豹  
飾侍陂陲些。軒轅既低步騎羅些。蘭薄戶樹瓊木籬些。  
鬼兮歸來何遠為些。室家遂宗食多方些。稻粢稊麥擘  
黃粱些。大苦鹹酸辛甘行些。肥牛之臄臠若芳些。和酸  
若苦陳吳羹些。燔鼈炮羔有柘漿些。鵠醢臠臠煎鴻鶻  
些。露雞臠膾厲而不爽些。柘敝蜜餌有餽餽些。瑤漿蜜  
勺實羽觴些。挫糟凍飲耐清涼些。華酌既陳有瓊漿些。  
歸來歸來反故居敬而無妨些。有羞未通女樂羅些。陳

此皆  
代舞

鍾按鼓造新歌些。涉江采菱發揚荷些。美人既醉朱顏  
酡些。妖光眇視目會波些。被文服纖麗而不奇些。長髮  
曼鬢豔陸離些。二八齊容起鄭舞些。袿若交竿撫案下  
些。竿瑟狂會損鳴鼓些。宮庭震驚發激楚些。吳歎蔡謳  
奏太呂些。士女雜坐亂而不分些。放陳組纓班其相紛  
些。鄭衛妖玩來雜陳些。激楚之結獨秀先些。鼂箴象碁  
有六博些。分曹並進迨相迫些。成梟而牟呼五白些。罰  
制犀比費白日些。鏗鍾搖箴挾梓瑟些。娛酒不廢沈日  
夜些。蘭膏明燭華燈錯些。結撰至思蘭芳假些。人有所  
極同心賦些。耐飲既盡歡樂先故些。鬼兮歸來反故居

鍾自涉江採菱陽阿皆楚歌曲名

此皆  
代舞

此亂曰○獻歲發春兮汨吾南征  
些路貫廬江兮左長薄倚沼畦瀛兮遙望博青驪結駟  
兮齊千乘懸火延起兮玄顏烝步及驟處兮誘騁先抑  
驚若通兮引車右還與王趨夢兮課後先君王親發兮  
憚青兕朱明承夜兮時不可淹臯蘭被徑兮斯路漸  
湛江水兮上有楓目極千里兮傷春心  
南○

招隱士

招隱士者淮南小山之所作也初淮南王安好士八公之徒咸慕其德各竭材智著述篇章分其辭賦以類相次或稱大山小山猶詩有大雅小雅也

劉安

桂樹叢生兮山之幽偃蹇連卷兮枝相繚山氣噓從兮

石嗟峨谿谷嶄巖兮水曾波後飲羣嘯兮虎豹嗥攀援

桂枝兮聊淹留王孫遊兮不歸春草生兮萋萋歲暮兮

不自聊噓蛄鳴兮啾啾塊兮軋山曲岫心淹留兮惆悵

忽罔兮沕僚兮栗虎豹穴叢薄深林兮人上慄欽嶮磳

礪兮礪礪礪樹輪相糾兮林木茂翫青莎雜樹兮頽

草霍靡白鹿麇麇兮或騰或倚狀貌嶮嶮兮峨峨凄凄

兮澼澼獼猴兮熊羆慕類兮以悲攀援桂枝兮聊淹留

虎豹鬪兮熊羆咆禽獸駭兮亡其曹王孫兮歸來山中

兮不可以久留

七類

七發八首

七者少陽之數發陽明於君也八首者第一首是序也中六是所

善曰七發者說事以起發太子也猶楚詞七諫之流

諫不欲犯其顏末一首始陳正道以干之假立楚太子及別客以為語端

枚乘 乘字叔淮陰 人事梁孝王

曰孔子曰古者 甲子外有傅父 內有慈母也傅 深謂傅訓保養 者

楚太子有疾而別客往問之曰伏聞太子玉體不安亦少間乎太子曰憊謹謝客客因稱曰今時天下安寧四宇和平太子方富於年意者久就安樂日夜無極邪氣襲逆中若結轡紛屯澹淡虛唏煩醒惕惕怵怵不得瞑虛中重聽惡聞人聲精神越渫百病咸生聰明眩曜悅怒不平久執不廢太命乃傾太子豈有是乎太子曰謹謝客賴君之力時時有之然未至於是也客曰今夫貴人之子必官居而閨處內有保母外有傅父欲交無

所飲食則溫淳甘膳醲肥厚衣裳則雜選曼煖燂燂

熱暑雖有金石之堅猶將銷鑠而挺解也况其在筋骨

之間乎哉故曰縱耳目之欲恣支體之安者傷血脈之

和且夫出興入輦命曰壓接之機洞房清宮命曰寒熱

之媒皓齒蛾眉命曰伐性之斧甘脆肥醲命曰腐腸之

藥今太子膚色靡曼四支委隨筋骨挺解血脈淫濯手

足惰窳越女侍前齊姬奉後往來游燕縱恣乎曲房隱

間之中此其餐毒藥戲猛獸之爪牙也所從來者至深

遠淹滯永久而不廢雖令扁鵲治內巫咸治外尚何及

哉今如太子之病者獨宜世之君子博見彊識承間語

平定勞川木三卷之三

詩經傳卷之九

卷之九

風月林

事變度易意常無離側以爲羽翼淹沉之樂浩盪之心  
 道佚之志其奚由至哉太子曰諾病已請事此言客曰  
 今太子之病可無藥石針刺灸療而已可以要言妙道  
 而去也不欲聞之乎太子曰僕願聞之○客曰龍門之  
 桐高百尺而無枝中鬱結之輪菌根扶踈以分離上有  
 千仞之峯下臨百尺之谿湍流遡波又澹淡之其根半  
 死半生冬則烈風漂霰飛雪之所激也夏則雷霆霹靂  
 之所感也朝則鸛黃鳴鳴焉暮則羈雌迷鳥宿焉獨  
 鳴晨號乎其上鷓鴣哀鳴翔乎其下於是背秋涉冬使  
 琴擊斫斫以爲琴野繭之絲以爲絃孤子之鈞以爲隱  
 之寶而用之

鈞隱皆琴上  
 飾取孤子寡婦  
 之寶而用之

九寡之珥以爲約字書曰約亦的字的琴徽也使師堂操暢伯牙爲之歌歌曰麥秀

漸兮雉朝飛向虛壑兮背槁槐依絕區兮臨迴溪飛鳥

聞之翕翼而不能去野獸聞之垂耳而不能行蚊蟻

蟻聞之柱喙而不能前此亦天下之至悲也太子能彊

起聽之乎太子曰僕病未能也○客曰牯牛之腴菜以

筍蒲肥狗之和冒以山膚楚苗之食安胡之飯博之不

解一啜而散於是使伊尹煎熬易牙調和熊蹯之臠勺

藥之醬薄耆之炙鮮鯉之膾秋黃之蘇白露之茹蘭英

之酒酌以滌口山梁之餐黍豹之胎小飯大歡如湯沃

雪此亦天下之至美也太子能疆起掌之乎太子曰僕

平花帝制大全卷之九

卷之九

風月林

論語曰山梁雌雉時哉時哉

未詳也  
 以楚地之類稱爲之食

腹下肉也

張琴也

古樂府有孤子生行

言及後言...

病未能也。○客曰。鍾岱之牡齒至之車前。似飛鳥後類。

駟虛稱麥服處。躁中煩外。羈堅轡。附易路。於是伯樂相

其前。王良造父為之御。秦鈇樓季為之右。此兩人者。馬

佚能止之。車覆能起之。於是使射千鎰之重。爭千里之

逐。此亦天下之至駿也。太子能彊起而乘之乎。太子曰。

僕病未能也。○客曰。既登景夷之臺。南望荆山。北望汝

海。左江右湖。其樂無有。於是使博辯之士。原本山川。極

命草木。比物屬事。離辭連類。浮游覽觀。乃下置酒於虞

懷之宮。連廊四注。臺城層構。紛紜玄綠。輦道邪交。陸池

紆曲。溷章白鷺。孔雀鸚鵡。鷓鴣鸚鵡。翠鬣紫纓。螭龍德

...

○女媧沒天。姦牧邑邑。羣鳴陽魚。騰躍奮翼。振鱗激濤。壽蓼蔓草。芳...

女桑河柳。素葉紫莖。曲松豫章。條上造天。梧桐并間。極...

望成林。衆芳芬鬱。亂於五風。從容倚靡。消息陽陰。列坐...

縱酒蕩樂。娛心景春。佐酒杜連。理音滋味。雜陳肴饍。錯...

諠練色娛。目流聲悅。耳於是乃發。激楚之結風。揚鄭衛...

之皓樂。使先施徵舒。陽文段干吳娃。閭媿傳予之徒。雜...

裾垂髻。目窈心與。揄流波。雜杜若。蒙清塵。被蘭澤。嫵服...

而御。此亦天下之靡麗。皓侈廣博之樂也。太子能彊起...

游乎。太子曰。僕病未能也。○客曰。將為太子。馴騏驎之...

馬。駕飛軫之輿。乘牡駿之乘。右夏服之勁箭。左烏號之...

...

...

...

...

...

...

雕弓游涉乎雲林周馳乎蘭澤弭節乎江濠掩青蘋迎  
 清風陶陽氣蕩春心逐狡獸集輕禽於是極犬馬之才  
一本無獸字 困野獸之足窮相御之智巧恐虎豹潛驚鳥逐馬鳴鑣  
御車者 魚跨麋角履游麇鹿躡踐麋鹿汗流沫墜寃伏陵窘無  
 創而死者固足充後乘矣此狡獵之至壯也太子能疆  
 起游乎太子曰僕病未能也然陽氣見於眉宇之間侵  
謂也 淫而上幾滿大宅○客見太子有悅色也遂推而進之  
 曰冥火薄天兵車雷運旌旗偃蹇羽旄紛馳騁角逐  
 慕味爭先謂燒田之墨也 望之有坳純粹全犧獻之公門太  
本有觀字 子曰善願復聞之○客曰未既於是榛林深澤煙雲間

漠兕虎並作毅武孔猛相揚身薄白刃磴磴矛戟交錯  
 收獲掌功賞賜金帛掩蘋肆若為牧人席旨酒嘉肴羞  
合毛ノオスヲリキ 魚膾炙以御賓客涌觴並起動心驚耳誠必不悔決絕  
一作觸 以諾貞信之色形于金石高歌陳唱萬歲無數此真太  
 子之所喜也能疆起而游乎太子曰僕甚願從直恐為  
 諸大夫之累耳然而有起色矣○客曰將以八月之望  
 與諸侯遠方交游兄弟並往觀濤乎廣陵之曲江至則  
 未見濤之形也徒觀水力之所到則血然足以駭矣觀  
驚恐貞 其所以駕軼者所擢拔者所揚泊者所溫分者所滌汙  
 者雖有心畧離給固未能縷形其所由然也恍兮忽兮

聊兮慄兮。混汨汨兮。忽兮恍兮。倏兮儻兮。浩浩濇濇兮。超曠曠兮。秉意乎南山。通望乎東海。虹洞兮蒼天。極慮乎崖溪。流攬無窮。歸神日母。汨乘流而下降兮。或不知其所止。或紛紜其流折兮。忽繆往而不來。臨制汜而遠逝兮。中虛煩而益怠。莫離散而發曙兮。内存心而自持。於是灑漑胷中。灑練五藏。潛敵手足。頰灌髮齒。投奔怙息。輸寫渙濁。分決狐疑。發皇耳目。當是之時。雖有渣病滯疾。猶將伸偃起。發誓披孽而觀望之也。況直眇小煩。憑醒醲病酒之徒哉。故曰發蒙解惑。不足以言也。太子曰善。然則濤何氣哉。客曰不記也。然聞於師曰似神而

非者三疾雷聞百里。江水逆流海水上。潮山出內雲。日夜不止。衍溢漂疾。波涌而濤起。其始起也。洪淋淋焉。若白鷺之下翔。其少進也。浩浩澄澄。如素車白馬。帷蓋之張。其波涌而雲亂。樓樓焉如三軍之騰裝。其旁作而奔起也。飄飄焉如輕車之勒兵。六駕蛟龍。附從太白。純馳浩颯。前後駉駉。頤頤印印。楛楛彊彊。莘莘將將。壁壘重堅。沓雜似軍行。訇隱訇礚。軋盤涌裔。原不可當。觀其兩傍。則滂渤怫鬱。閭漠感突。上擊下律。有似勇壯之卒。突怒而無畏。踔壁衝津。窮曲隨隈。踰岸出追。遇者死。當者壞。初發乎或圍之津涯。菱軫谷分。廻翔青篾。銜枚檀栢。

平江...

卷五

風目



舞節伍子之山。通厲骨母之場。凌赤岸。筆扶桑。橫奔似  
雷行。誠奮厥武。如振如怒。沌沌渾渾。狀如奔馬。混混  
屯屯。聲如雷鼓。發怒座脊。清升踰趾。侯波奮振。合戰於藉  
藉之口。鳥不及飛。魚不及迴。獸不及走。紛紛翼翼。波涌  
雲亂。蕩取南山。背擊北岸。覆虧丘陵。平夷西畔。險險戲  
戲。崩壞波池。決勝乃罷。滌汨潺湲。波揚流灑。橫暴之極。  
魚鼈失勢。顛倒偃側。沈沈爔爔。蒲伏連延。神物怪疑。不  
可勝言。直使人踣焉。洄閭悽悽焉。此天下怪異詭觀也。  
太子能彊起觀之乎。太子曰。僕病未能也。○客曰。將為  
太子奏方術之士。有資畧者。若莊周。魏牟。楊朱。墨翟。便

蛤詹何之倫。使之論天下之精微。理萬物之是非。孔老  
覽觀。孟子持籌而筭之。萬不失一。此亦天下要言妙道  
也。太子豈欲聞之乎。於是太子據几而起曰。渙乎一聽。  
聖人辯士之言。忽然汗出。霍然病已。

七啓八首

除前小序并序  
序共為八首

曹植

昔枚乘作七發。傅毅作七激。張衡作七辯。崔駰作七依。  
辭各美麗。余有慕之焉。遂作七啓。并命王粲作焉。

假立兩女精微之人以為端

玄微子隱居大荒之庭。飛遊離俗。登神定靈。輕祿傲貴。  
與物無營。耽虛好靜。羨此永生。獨馳思乎天雲之際。無  
物象而能傾。於是鏡機子聞而將往。說焉。駕超時之駟。

乘追風之輿經迥漠出幽虛入乎坱漭之野遂屆玄微  
子之所居其居也左激水右高岑背洞壑對芳林冠皮  
弁被文裘出山岫之潛穴倚峻崖而嬉遊志飄飄焉  
曉焉似若狹六合而隘九州若將飛而未逝若舉翼而  
中留於是鏡機子攀葛藟而登距巖而立順風而稱曰  
予聞君子不遜俗而遺名智士不背世而滅勳今吾子  
弃道藝之華遺仁義之英耗精神乎虛廢人事之紀  
經譬若畫形於無象造響於無聲未之思乎何所規之  
不通也玄微子俯而應之曰嘗有是言乎夫太極之初  
渾沌未分萬物紛錯與道俱隆蓋有形必朽有跡必窮

○華子曰楚王使大夫往聘莊子莊子曰吾聞楚有神龜死已三千年矣王巾節而藏之廟堂之上此龜雖死其死為國骨而貴乎寧其生而曳尾塗中乎曰寧生曳尾塗中莊子曰往矣吾將曳尾於塗中也

廣元氣誰知其終名機我身位累我躬竊慕古人之  
所志仰老莊之遺風假靈龜以託喻寧掉尾於塗中○  
鏡機子曰夫辯言之豔能使窮澤生流枯木發榮庶感  
靈而激神况近在乎人情僕將為吾子說游觀之至娛  
演聲色之妖靡論變化之至妙敷道德之弘麗願聞之  
乎玄微子曰吾子整身倦世採隱拯沉不遠遐路幸見  
光臨將敬滌耳以聽玉音○鏡機子曰芳菲精神霜蓄  
露葵玄熊素膚肥豢膿肌蟬翼之割剖纖析微累如疊  
敷離若散雪輕隨風飛刃不轉切山鷄斥鷃珠翠之珍  
攀芳蓮之巢龜膾西海之飛鱗臞江東之潛鼉臨漢南

評述芳訓大全卷之七

〇三

博物志曰杜  
康作酒也戰國  
策曰昔帝女儀  
狄作酒也

之鳴鶴。糝以芳酸。其和既醇。玄冥適鹹。尊收調辛。紫蘭  
丹椒。施和必節。滋味既殊。遺芳射越。乃有春清。縹酒。康  
狄所營。應化則變。感氣而成。彈徵則苦發。叩宮則其生。  
於是盛以翠樽。酌以彫觴。浮蟻鼎沸。酷烈馨香。可以祀  
神。可以娛腸。此肴饌之妙也。子能從我而食之乎。玄微  
子曰。予其藜藿。未暇此食也。○鏡機子曰。步光之劍。華  
藻繁縟。飾以文犀。彫以翠線。綴以驪龍之珠。錯以荆山  
之玉。陸斷犀象。未足稱備。隨波截鴻。水不漸刃。九旒之  
冕。散耀垂文。華組之纓。從風紛紜。佩則結綠懸紫。寶之  
妙微。符采照爛。流泉揚輝。黼黻之服。紗縠之裳。金華之  
而為天下第一名器也  
王三橫文也

以金華飾馬也

騁動趾。遺光繁飾。參差微鮮。若霜縹緲。縹緲。或彫或錯。  
薰以幽若。流芳肆布。雍容閑步。周旋馳耀。南威為之解  
顏。西施為之巧笑。此容飾之妙也。子能從我而服之乎。  
玄微子曰。予好毛褐。未暇此服也。○鏡機子曰。馳騁足  
用。蕩思游獵。可以娛情。僕將為吾子駕雲龍之飛。馳。飢  
玉輅之繁。纓垂宛虹之長綏。抗招搖之華旌。捕忘歸之  
矢。秉繁弱之弓。忽躡景而輕驚。逸奔驥而起。遺風於是  
。巖填谷塞。榛藪平夷。緣山置目。彌野張罟。下無漏跡。上  
無逸飛。鳥集獸屯。然後會圍。獠徒雲布。武騎霧散。丹旗  
。矚野。戈交。睇。肝。曳。文。狐。掩。狡。兔。稍。鷲。鷲。拂。振。鷲。當。軌。見

籍值足遇踐飛軒電逝獸隨輪轉翼不暇張足不及騰  
 動觸飛鋒舉挂輕寶搜林索險探薄窮阻騰山赴壑風  
 厲焱舉機不虛發中必飲羽於是人稠網密地逼勢脅  
 哮鬪之獸張牙奮鬣志在觸突猛氣不懼乃使北官刺  
 郭之疇生抽豹尾分裂狙肩形不抗手骨不隱拳批熊  
 碎掌拉虎摧斑野無毛類林無羽羣積獸如陵飛翻成  
 雲於是賊鐘鳴鼓收旌弛飾頓網縱網體獠迴邁駿騾  
 齊鬪揚鬣飛沫俯倚金較仰撫翠蓋雍容暇豫娛志方  
 外此羽獵之妙也予能從我而觀之乎玄微子曰余樂  
 恬靜未暇此觀也○鏡機子曰閑宮顯敞雲屋昭明崇

景山之高基迎清風而立觀彤軒紫柱文棖華梁綺井  
 含葩金墀玉箱温房則冬服絺絺清室則中夏含霜華  
 閣綠雲飛陛陵虛痕眺流星仰觀八隅升龍攀而不逮  
 眺天際而高居繁巧神怪變容異形班輪無所措其斧  
 斤離婁為之失睛麴草交植殊品詭類綠葉朱榮熙天  
 曜日素水盈沼叢木成林飛翮陵高鱗甲隱深於是道  
 遙暇豫忽若忘歸乃使任子垂釣魏氏發機芳餌沈水  
 輕繳戈飛落翳雲之翔鳥援九淵之靈龜然後采菱華  
 擢水蘋弄珠蚌戲鮫人諷漢廣之所詠覲游女於水濱  
 耀神景於中止被輕縠之織羅遺芳烈而靖步抗皓手

而清歌歌曰望雲際兮有好仇天路長兮往無由佩蘭  
蕙兮為誰脩嫵婉絕兮我心愁此官館之妙也子能從  
我而居之乎玄微子曰予耽巖穴未暇此居也○鏡機  
子曰既游觀中原逍遙閑官情放志蕩淫樂未終亦將  
有才人妙妓遺世越俗揚其里之流聲紹陽阿之妙曲  
爾乃御文軒臨洞庭琴瑟交揮左篪右笙鍾鼓俱振簫  
管齊鳴然後姣人乃披文韞之華桂振輕綺之飄飄戴  
金搖之耀耀揚翠羽之雙翅揮流芳耀飛文歷盤鼓煥  
繽紛長裾隨風悲歌入雲躡捷若飛踟虛遠蹠凌躍超  
躡蛇蟬揮霍翔爾鴻轟激然鳥沒縱輕體以迅赴景追

形而不逮飛聲激塵依違屬響才捷若神形難為象於  
是為歡未滌白日西頽散樂變飾微步中閨玄骨弛弓  
鈔華落收亂髮兮拂蘭澤形媚服兮揚幽若紅顏宜笑  
嗒眇流光時與吾子攜手同行踐飛除即閑房華燭爛  
嚮嚮張動朱脣發清商揚羅袂振華裳九秋之夕為歡  
未央此聲色之妙也子能從我而游之乎玄微子曰予  
願清虛未暇此游也○鏡機子曰予聞君子樂奮節以  
顯義烈士甘危軀以成仁是以雄俊之徒交黨結倫重  
氣輕命感分遺身故田光伏劍於北燕公叔畢命於西  
秦果毅輕斷虎步谷風威懼萬乘華夏稱雄辭未及終

解石房則不...

○...

風...

而玄微子曰善。○鏡機子曰此乃游俠之徒耳。未足稱  
 妙也。若夫田文無忌之儔。乃上古之俊公子也。皆飛仁  
 揚義。騰躍道藝。游心無方。抗志雲際。凌轢諸侯。驅馳當  
 世。揮袂則九野生風。慷慨則氣成虹蜺。吾子若當此之  
 時。能從我而友之乎。玄微子曰。予亮願焉。然方於大道  
 有累如何。○鏡機子曰。世有聖宰。翼帝霸世。同量乾坤。  
 等耀日月。玄化參神。與靈合契。惠澤播於黎苗。威靈震  
 乎無外。超降平於殷周。踵羲皇而齊泰。顯朝惟清。王道  
 遐均。民望如草。我澤如春。河濱無洗耳之士。喬岳無巢  
 居之民。是以俊乂來仕。觀國之光。舉不遺才。進各異方。

讚典禮於辟雍。講文德於明堂。正流俗之華訛。綜孔氏  
 之舊章。散樂移風。國富民康。神應休臻。屢獲嘉祥。故甘  
 露紛而晨降。景星宵而舒光。觀游龍於神淵。聆鳴鳳於  
 高岡。此霸道之至隆。而雍熙之盛際。然主上猶以沉恩  
 之未廣。懼聲教之未厲。采英奇於仄陋。宣皇明於巖穴。  
 此甯子所歌之秋。而呂望所以投綸而逝也。吾子為太  
 和之民。不欲仕陶唐之世乎。於是玄微子攜袂而興曰。  
 韓哉言乎。近者吾子所述華淫。欲以厲我。祗攬予心。至  
 聞天下穆清明。君遊國覽盈虛之正義。知頑素之迷惑。  
 今予廓爾。身輕若飛。願反初服。從子而歸。

七命八首 并序共

張協 協字景陽載之中弟仕西一

冲漠公子含華隱曜嘉遯龍盤翫世高蹈游心於浩然

玩志乎衆妙絕景乎大荒之遐阻吞響乎幽山之窮巖

於是狗華大夫聞而造焉乃勅雲輅駮飛黃越奔沙輶

流霜陵扶搖之風躡堅水之津旌拂霄塲軌出蒼垠天

清冷而無霞野曠朗而無塵臨重岫而攬轡顧石室而

迴輪遂適冲漠之所居其居也崢嶸幽藹蕭瑟虛玄

海溷濩泮其後嶰谷嶰曾張其前尋竹竦莖蔭其壑百

籟羣鳴聳其山衝颶發而迴日飛礫起而麗天於是登

子韓子曰齊有居士申仲者宋人屈轅往見之謂曰轅有巨軀堅妙石厚而無發而效之先生田仲曰聖人也不可割而斷厚而無發不可以受米漿吾無用此軀以為地

絕巘迴長風陳辯惑之辭命公子於巖中曰蓋聞聖人

不卷道而背時智士不遺身而匿跡生必耀華名於玉

牒沒則勒洪伐於金冊今公子違世陸沉避地獨窺有

生之歡滅竄父之義廢愁洽百年苦溢千歲何異促鱗

之游汀濤短羽之棲翳薈今將榮子以天人之太寶悅

子以縱性之至娛窮地而游中天而居傾四海之歡殫

九州之腴鑽屈轅之瓠解疏屬之拘子欲之乎公子曰

大夫不遺來萃荒外雖在不敏敬聽嘉話○大夫曰寒

山之桐出自太冥含黃鍾以吐幹據蒼岑而孤坐既乃

瓊嶽增峻金岸岬嶂左當風谷右臨雲谿土無陵虛之

平花傍川大陰之

○三

巢下無跡實之。蹊搖那峻。挺若翹若。曉曉三春之溢露。  
遊九秋之鳴。零雪寫其根。霏霜封其條。木既繁而後  
綠。草未素而先凋。於是構雲梯。陟崢嶸。蕤賓之陽柯。  
調高張。音朗號。鍾韻清。繞梁追逸響。於八風采奇律。於  
歸昌。落中黃。之少宮。發葶收之變商。若乃龍火西頽。暄  
氣初收。飛霜迎節。高風送秋。羈旅懷土之徒。流宕百罹  
之疇。無促柱則酸鼻。揮危絃則流涕。若乃追清哇。赴嚴  
節。奏綠水。吐白雪。激楚迴流。風結悲莫。爽之朝落。悼望  
舒之夕。缺幾發為之。擗標。婦老為之。嗚咽。王子拂纓而

傾耳。六馬號天而仰秣。此蓋音曲之至妙。子豈能從我  
而聽之乎。公子曰。余病未能也。○大夫曰。蘭宮祕宇。彫  
堂綺構。雲屏爛汗。瓊壁青蔥。應門八襲。旋臺九重。表以  
百常之闕。圍以萬雉之墉。爾乃峴樹迎風。秀出中天。翠  
觀岑青。彫閣霞連。長翼臨雲。飛陞陵山。望玉繩而結極。  
承倒景而開軒。頰素炳煥。粉拱嗒嗽。除虬負檐。陽馬承  
阿。錯以瑤英。鏤以金華。方疏含秀。圓井吐葩。重殿疊起。  
交綺對槐。幽堂畫密。明室夜朗。焦螟飛而生風。尺蠖動  
而成響。若乃目厭常玩。體倦帷幄。攜公子而雙游。時娛  
觀於林麓。登翠阜臨丹谷。華草錦繁。飛采星燭。陽葉春



青陰條秋綠華實代新承意恣觀仰折神籟俯采朝蘭  
 遊惠風於蘅薄眷椒塗於瑤壇爾乃浮三翼戲中沚潛  
 鯁駭驚翰起沈絲結飛增理挂歸翮於赤霄之表出華  
 鱗於紫淵之裏然後縱棹隨風弭楫乘波吹孤竹拂雲  
 和淵客唱淮南之曲榜人奏采菱之歌歌曰乘鳧舟兮  
 為水嬉臨芳洲兮拔雲之樂以忘威游以卒時窮夜為  
 百畢歲為期此蓋宴居之浩麗子豈能從我而處之乎  
 公子曰余病未能也○大夫曰若乃白商素節月既授  
 衣天疑地閉風厲霜飛柔條夕勁密葉晨稀將因氣以  
 效殺臨金郊而講師爾乃列輕武整戎剛建雲鬣啓雄

昔駕紅陽之飛

良馬名

駮唐公之騎

良馬名

屯羽隊於外林縱輕

翼於中荒爾乃布飛

五臣作羅

張脩畏陵黃岑挂青鬣畫長壑

以為限帶流谿以為關

既乃內無疏蹊外無漏跡

數校舉麾旌獲鼓金機

馳鳴鏑翦剛豪落勁翮連騎

驚駢武齊轍翕忽揮霍

雲迴風列聲動響飛形移景發

舉戈林竦揮鋒電滅仰

傾雲巢俯殫地穴乃有圓文之

研班題之從鼓鬣風生

怒目電蹤口齧霜刃足撥飛

軀林蹶石扣跋幽叢於是

飛黃奮銳賁石逞伎感封

償馮豕拉魁釅挫解薦

勾爪摧鋸牙押瀾漫狼藉傾榛

倒壑頌齒挂山僵踣掩

澤藪為毛林隰為丹薄於是撤

平

①楚生作鐵劍  
二枚晉鄭聞而  
不之不得與師  
圍楚之城三  
不解於楚楚王  
引太阿之劍  
破而歷三軍  
破敗士卒悉  
流血千里晉鄭  
之軍頭車自也

圍頓固卷加牧為虞人數獸林衡計鮮論最犒勤息馬  
輶弦肴駟連鑣酒駕方軒千鍾電醕萬燧星繁陸阜露  
流膏谿谷厭芳煙歡極樂殫廻節而旋此亦田游之井  
觀子豈能從我而為之乎公子曰余病未能也○大夫  
曰楚之陽劍歐冶所營邪谿之劍赤山之精銷踰羊頭  
鑌越銀成乃鍊乃鑠萬辟千灌豐隆奮推飛廉翳炭神  
器化成陽文陰縵流綺星連浮彩豔發光如散電質如  
耀雲霜銛水凝冰刃露凜形冠豪曹名珍巨闕指則則  
三軍白首麾節則千里流血豈徒水截蛟鴻陸灑奔駟  
斷浮翮以為工絕重用而稱利云爾而已哉若其靈寶

②齊楚燕趙韓  
魏宋衛中山謂  
之九國

則舒辟無方奇鋒異模形震薛燭光駭風胡價兼三鄉  
聲貴一都或馳名傾剌或夜飛去吳是以功冠萬載威  
曜無窮揮之者無前擁之者身雄可以從服九國橫制  
八戎爪牙景附函夏承風此蓋希世之神兵子豈能從  
我而服之乎公子曰余病未能也○大夫曰天驥之駿  
逸態超越稟氣靈淵受精皎月睥睨黑照玄彩緝發沫  
如渾紅汗如振血秦青不能識其象尺方堙不能觀其  
若滅爾乃中雲軒踐朝霧赴春衢整秋御蚪蟠騰麟  
超龍翥望山載奔視林載赴氣盛怒發星飛電駭志陵  
九州勢越四海影不及形塵不暇起浮箭未移再踐千

九國

三

風月

三

評文伊訓大卷之九

里爾乃踰天垠越地隔過汗漫之所不游躡章亥之所  
未跡陽鳥為之頓羽夸父為之投策斯蓋天下之僞乘  
子豈從我而御之乎公子曰余病未能也○大夫曰太  
梁之黍瓊山之禾唐稷播其根農帝嘗其華爾乃六禽  
殊珍四膳異肴窮海之錯極陸之毛伊公饔鼎庖子揮  
刃味重九沸和兼芍藥晨鳧露鷓霜鷄黃雀園按星亂  
方丈華錯封熊之蟠翰昔之跡鷓鴣腥昏髦殘象白靈  
淵之龜萊黃之鮓丹穴之鸚玄豹之胎輝以秋橙點以  
春梅接以商王之箸承以帝辛之杯范公之鱗出自九  
溪瀨尾丹鯁紫翼青鬢爾乃命支離飛霜鈔紅肌綺散

拾遺記載人  
進上第一等之饗  
王欲與軍士共  
之則少而不備  
乃須酒水上  
今為迎流飲之  
在皆醉乃感惠  
蓋乃而戰奮師  
大敗之

素膚雪落婁子之毫不能廁其細秋蟬之翼不足擬其  
薄繁肴既闕亦有寒葦商山之果漢臯之棹析龍眼之  
房剖椰子之殼芳旨萬選承意代奏乃有荆南烏程豫  
北竹葉浮蟻星沸飛華滌接玄石嘗其味儀氏進其法  
傾壘一朝可以流酒千日單醪投川可使三軍告捷斯  
人神之所歆羨觀聽之所煒曄也子豈能彊起而御之  
乎公子曰耽口爽之饌其腊毒之味服瀉腸之藥御三  
國之器雖子大夫之所榮故亦吾人之所畏余病未能  
也○大夫曰蓋有晉之融皇風也金華啓徵大人有作  
繼明代照配天光宅其基德也隆於姬公之處岐其垂

仁也。富乎有殷之在。臺南箕之風。不能暢其化。離畢之  
 雲。無以豐其澤。皇道煥炳。帝載緝熙。道氣以樂。宣德以  
 詩。教清於雲官之世。治穆乎鳥紀之時。王猷四塞。函夏  
 謐寧。丹冥投烽。青微釋警。却馬於糞車之轅。銘德於星  
 割之鼎。羣氓反素。時文載郁。耕父推畔。魚豎讓陸。樵夫  
 恥危冠之飾。輿臺笑短後之服。六合時邕。魏魏蕩蕩。玄  
 鬢巷歌。黃髮擊壤。解羲皇之繩。錯陶唐之象。若乃華裔  
 之夷。流荒之貊。語不傳於輪軒。地不被乎正朔。莫不駸  
 奔稽顙。委質重譯。于時昆岐感惠。無思不擾。死戲九尾  
 之禽。圍棲三足之鳥。鳴鳳在林。駭於黃帝之園。有龍旂  
春秋元命苞曰天命玄主以充尾狐

淵盈於孔甲之沼。萬物烟熅。天地交泰。義懷靡內。化感  
 無外。林無被褐。山無韋帶。皆象刻於百工。兆發乎靈蔡。  
 措紳濟濟。軒冕藹藹。功與造化爭流。德與二儀比天。言  
 未終。公子蹶然而興。曰鄙夫固陋。守此在猶。蓋理有毀  
 之。而爭寶之。訟解言有怒之。而齊王之疾痊。向子誘我  
 以聾耳之樂。棲我以葦家之屋。田游馳蕩。利刃駿足。既  
 老氏之攸戒。非吾人之所欲。故靡得而應。子至。聞皇風  
 載。躡時聖道。淳舉實為秋。擣藻為春。下有可封之民。上  
 有太哉之君。余雖不敏。請尋後塵。  
指堯也  
 詔類 求賢良詔 詔照也天子出言如日之照於天下 漢武帝

詔曰。蓋有非常之功。必待非常之人。故馬或奔蹏而致千里。士或有負俗之累而立功名。夫泛駕之馬。駢馳之士。亦在御之而已。其令州縣察吏民有茂木異等可爲將相及使絕國者。

賢良詔

漢武帝

朕聞昔在唐虞。畫象而民不犯。日月所燭。莫不率俾。周之成康。刑錯不用。德及鳥獸。教通四海。海外肅慎。北發渠搜。氏羌來服。星辰不孛。日月不蝕。山陵不崩。川谷不塞。麟鳳在郊。藪河洛出。圖書鳴呼。何施而臻此乎。今朕獲奉宗廟。夙興以求。夜寐以思。若涉淵水。未知所濟。猗

歟。偉歟。何行而可以彰先帝之洪業。休德。上參堯舜。下配三王。朕之不敏。不能遠德。此子大夫之所觀聞也。賢良明於古今。王事之體。受策察問。咸以書對。著之于篇。朕親覽焉。

評苑文選傍訓大全卷之九終

評苑文選傍訓大全卷之十

評苑文選傍訓大全卷之十

欽差提督紫荆等關易州兵備副使信安四泉余國賓總閱

保定府知府新城霽字王象乾剛訂

冊文類

冊魏公九錫文

冊符命也。錫車馬再錫衣。服三錫虎賁四錫樂器五錫

納陛六錫朱戶七錫弓矢八錫鉄鉞九錫秬秠謂之九錫

潘勗 勗字元茂陳留中牟人也 少有逸才為尚書右丞

制詔使持節丞相領冀州牧武平侯朕以不德少遭閉

凶越在西土遷于唐衛當此之時若綴旒然宗廟乏祖

社稷無位羣凶覬覦連帶城邑一人尺土朕無獲焉即

我高祖之命將墜於地朕用夙興假寐震悼于厥心曰

五臣無我字

惟祖惟父。股肱先正。其孰恤朕躬。乃誘天衷。誕育丞相。  
 保我皇家。弘濟于艱難。朕實賴之。今將授君典禮。其  
 敬聽朕命。昔者董卓初興國難。羣后釋位。以謀王室。君  
 則攝進首啓戎行。此君之忠於本朝也。後及黃巾反。易  
 天常。侵我三州。延于平民。君又討之。翦除其跡。以寧刺  
 夏。此又君之功也。韓暹楊奉專用威命。又賴君勳。尅黜  
 其難。遂建誚都。造其京畿。設官兆祀。不失舊物。天地鬼  
 神。於是獲又。此又君之功也。袁術僭逆肆于淮南。憚禪  
 君靈。用丕顯謀。斬陽之役。橋蕤授首。稜威南厲。術以殞  
 潰。此又君之功也。迴戈東指。呂布就戮。乘軒將返。張揚

沮斃。睦固伏罪。張繡稽伏。此又君之功也。袁紹逆常謀  
 危社稷。憑恃其衆。稱兵內侮。當此之時。王師寡弱。天下  
 寒心。莫有固志。君執太節。精貫白日。奮其武怒。運諸神  
 策。致扁官渡。大殲醜類。俾我國家。拯於危墜。此又君之  
 功也。濟師洪河。拓定四州。袁譚高幹。咸梟其首。海盜奔  
 迸。黑山順軌。此又君之功也。烏丸三種。崇亂二世。袁尚  
 因之逼據。塞北東馬。懸車一征。而滅此。此又君之功也。劉  
 表背誕。不供貢職。王師首路。威風先逝。百城八郡。交臂  
 屈膝。此又君之功也。馬超成宜。同惡相濟。濱據河潼。求  
 逞所欲。殄之渭南。獻誠萬計。遂定邊城。撫和戎狄。此又

本傳作逞欲

二水名

君之功也。鮮卑丁令重譯而至。單于白屋請吏帥職。此  
又君之功也。君有定天下之功。重以明德。班敘海內。宣  
美風俗。旁施勤教。恤慎刑獄。吏無苛政。民不囘慝。敦崇  
帝族。援繼絕世。舊德前功。罔不成秩。雖伊尹格于皇天。  
周公光於四海。方之蔑如也。朕聞先王並建明德。胙之  
以土。分之以民。崇其寵章。備其禮物。所以蕃衛王室。左  
右厥世也。其在周成。管蔡不靖。懲難念功。乃使邵康公  
錫齊太公履。東至于海。西至于河南。至于穆陵。北至于  
無棣。五侯九伯。實得征之。世祚太師。以表東海。爰及襄  
王。亦有楚人。不供王職。又命晉文。登為侯伯。錫以二輅

虎賁。鈇鉞。和鬯。弓矢。大啓南陽。世作盟主。故周室之不  
壤。繫二國之是賴。今君稱丕顯德。明保朕躬。奉答天命。  
導揚弘烈。綏爰九域。罔不率俾。功高乎伊周。而賞卑乎  
齊晉。朕甚愿焉。朕以眇身。託于兆民之上。永思厥艱。若  
涉淵水。非君攸濟。朕無任焉。今以冀州之河南。河內。魏  
郡。趙國。中山。鉅鹿。常山。安平。甘陵。平原。凡十郡。封君為  
魏公。使使持節。御史大夫。慮授君。印綬。冊書。金虎符。第  
一至第五竹使符。第一至第十。錫君玄土。苴以白茅。爰  
弊余龜。用建冢社。昔在周室。畢公毛公。入為卿佐。周邵  
師保。出為二伯。外內之任。君實宜之。其以丞相領冀州

評定勞功大案卷下

三

武



牧如故今更下傳璽肅將朕命以允華夏其上故博武  
平侯印綬今又加君九錫其敬聽後命以君經緯禮律  
為民軌儀使安職業無或遷志是用錫君大輅戎輅各  
一玄牡馬也二駟君勸分務本膏民昏作粟帛滯積大業惟  
興是用錫君衮冕之服赤舄副焉君敦尚謙讓俾民興  
行少長有禮上下咸和是用錫君軒懸之樂六佾之舞  
君翼宣風化爰發四方遠人回面華夏充實是用錫君  
朱戶以居君研其明哲思帝所難官才任賢羣善必舉  
是用錫君納陛以登君秉國之均正色處中纖毫之惡  
靡不抑退是用錫君虎賁之士三百人君糾虔天刑竟

厥有罪犯關于紀莫不誅殛是用錫君鈇鉞各一君龍  
驤虎視旁眺八維掩討逆節折衝四海是用錫君彤弓  
一彤矢百茲弓十茲矢千君以溫恭為基孝友為德明允  
篤誠感乎朕思是用錫君和鬯王名一卣珪瓚副焉魏國置丞  
相以下羣卿百僚皆如漢初諸王之制君往欽哉敬服朕  
命簡恤爾衆時亮庶功用終爾顯德對揚我高祖之休命  
令類 宣德皇后令 文安王皇后諱寶明琅琊臨沂人  
大后欲禪位於梁王王固辭沈約 任昉  
等奏太后勸進令助為太后令梁王  
受禪秦法皇后太子稱令命也  
宣德皇后敬問其位夫功在不賞故庸勳之典蓋闕施  
俸造物則謝德之途已寡要不得不彊為之名使荃宰

有寄公實天生德齊聖廣淵不改參辰而九星仰止不  
易日月而二儀貞觀在昔晦明隱鱗戢翼博通羣籍而

讓齒乎一卷之師劍氣陵雲而屈迹於萬夫之下辯析  
天口而似不能言文擅雕龍而成輒削稟爰在弱冠首

應芳旌客游梁朝則聲華籍甚薦名宰府則延譽自高  
隆昌季年勤王始著建武惟新締構斯在功隆賞薄嘉

庸莫疇一馬之田介山之志愈厲六百之秩大樹之號  
斯存及擁旄司部代馬不敢南牧推轂樊鄧胡塵罕嘗

夕起惟彼狡童窮凶極虐衣冠泯絕禮樂崩喪既而鞠  
旅誓衆言謀王室白羽一麾黃鳥底定甲旣鱗下車亦

漢馮異會  
止處諸將並坐  
論功而馮異獨  
屏於樹下不共  
論功軍中定為  
大樹將軍

瓦裂致天之屆拱揖羣后豐功厚利無得而稱是以祥

光總至休氣四塞五老游河飛星入昴元功茂勲若斯之  
盛而地狹乎四履勢卑乎九伯帝有惡焉輜軒萃止今遣

某位某甲等率茲百辟人致其誠庶匪席之旨不遠而復  
教類 為宋公修張良廟教 諸侯言曰教宋公謂劉裕

網紀夫盛德不泯義存祀典微管之歎撫事彌深張子  
房道亞黃中照隣殆庶風雲玄感蔚為帝師夷項定漢

大拯橫流固已參軌伊望冠德如仁若乃神交圜上道  
契商洛顯默之際窅然難究淵流浩濊莫測其端矣塗

契商洛顯默之際窅然難究淵流浩濊莫測其端矣塗

良遊下却  
圜上有老父  
衣褐至良皆  
孺子可教

魏隱去後  
年七十家  
大梁公過大梁  
之墟梓思想侯  
高麗之墟也

寢衣  
六衣也

次舊沛竹駕留城靈廟荒頽遺像陳味撫跡懷人永歎  
子房所封之地也  
寔深過大梁者或仲想於夷門游九原者亦流連於隨  
晉大夫葬所也文字留連下淚以思於隨會  
會擬之若人亦足以云可改構棟宇修飾丹青蘋繁行  
潦以時致薦抒懷古之情存不刊之烈主者施行

為宋公修楚元王墓教  
宋公楚元王後故修治其墓元王名交漢高祖

異母弟也封於楚謚曰元墓在彭城宋公過此見其荒蕪故令修之 傅亮

綱紀夫褒賢崇德千載彌光尊本敬始義隆自遠楚元  
王積仁基德啓藩斯境素風道業作範後昆本支之祚  
實隆鄙宗遺芳餘烈奮乎百世而丘封翳然墳塋莫剪  
感遠存往慨然永懷夫愛人懷樹甘棠且猶勿翦追甄

莊子曰堯觀  
乎華封華封人  
曰請祝聖人壽  
且富且多男子  
堯皆辭曰多男  
子則多懼富則  
多事壽則多憂  
封人曰天之生  
萬民必授之職  
多男子而授之  
職則何懼之有  
富而使人分之  
則何事之有夫  
下有道則物  
皆昌天下無道  
則備德就開千  
歲曆也夫而上  
仙乘彼白雲至  
于帝鄉三思莫  
至身無常歎前  
何處之有

墟墓信陵尚或不民况瓜瓞所興開源自本者乎可蠲  
復近墓五家長給灑掃便可施行

策問類 咏明九年策秀才文五首

王融 融字元長琅琊人也少而神

問秀才高第明經朕聞神靈文思之君聰明聖德之后

體道而不居見善如不及是以崆峒有順風之請華封

致乘雲之拜或揚旌求士或設簾待賢用能敷化一時

餘烈千古朕負奉天命恭惟永圖審聽高居載懷祗懼

雖言事必史而象闕未箴寤寐嘉猷延佇忠實子大夫

選名升學利用賓王懋陳三道之要以光四科之首暨

漢書言德遂見人佩刀劍者謂之日汝何為佩牛春夏不起田賦言刀劍可以易牛而耕此言有情業之人秦耕而佩牛者相習而為如冰公流不返也

春秋元命苞曰樹棘槐聽於其下鬼哭謂誅無辜

梅之和屬有望焉。○又問昔周宣情于畝之禮。號公納

諫漢文缺三推之義賈生置言良以食惟民天農為政

本金湯非粟而不守水旱有待而無遷朕式照前經寶

茲稼穡祥正而青旗肅事土膏而朱紘戒典將使杏花

葛葉耕穫不愆清剛冷風迷邇無廢而釋耒佩牛相公

莫反兼貧擅富浸以為俗若爰井開制懼驚擾愚民渴

幽可腴恐時無史白興廢之術矢陳厥謀。○又問議獄

緩死大易深規敬法郵刑虞書茂典自氓俗澆弛法令

滋彰肺石少不寃之民棘林多夜哭之鬼朕所以明發

動容具食與慮傷秋荼之密網慙夏日之嚴威永念晝

良本命金清

手公有罪當刑

諷子以女親榮

諷關歌雞鳴

冠緇追刑厝徒以百錢輕科友行季葉四支重罰爰創

前古訪游禽於絕澗作霸秦基歌雞鳴於闕下稱仁漢

廣二途如爽即用兼通昌言所安朕將親覽。○又問聚

入日財次政日貨泉流表其不匱買遷通其有無既龜

貝積寢緡繼專用世代茲多銷漏參倍下貧無兼辰之

業中產闕游歲之貲惟瘼郵隱無捨矜歎上帝溥臨賜

朕休寶功斜之谷開而出銅且有後命事茲鎔範充

都內之金紹園府之職但赤及深巧學之患榆莢難輕

重之權開塞所宜悉心以對。○又問治曆明時昭遷革

之運改憲勅法審刑德之原分命顯於唐官文條炳於

猶言堯之官

於

鄒說及嘯夷廢職昧谷虧方漢秉素祗之徵魏稱黃星鄒衍說天五勝歷數之事之驗紛爭空軫疑論無歸朕獲纂洪基思弘至道庶令日月休徵風雨玉燭克明之旨弗遠欽若之義復還於予大夫何如哉其驪翰改色寅丑殊建別白書之之

咏明十十年策秀才文五首

王融

問秀才朕秉籙御天握樞臨極五辰空撫九序未歌至於思明堂訪道宜堂若墜之惻每勤如傷之念恒軫故恤貧緩賦省徭慎獄幸四境無虞二秋式稔而多黍多稔不興兩穗之謠無褐無衣必盈七月之歎豈布政未優將罷民難業登爾於朝是屬宏議豈弗同心以臣厥辟又問惟王建國惟

曹參為相

日夜飲酒卿大夫以十吏見參不事事來者皆欲有言至者輒飲以醇酒飲後言復飲醉而去

典命官上叶星象下符川獄必待天爵具脩人紀成事然後公才授職揆務分司是以五正置於朱宣下民不忒九工開於黃序庶績其凝周官二百漢位兼倍歷茲以降游惰寔繁若閑冗畢奔則橫議無已見芻不澄則坐談彌積何則可脩善詳其對又問昔者賢牧分陔良守共治下邑必樹其風一鄉可以為績至有且撫鳴琴日置醇酒文而無害嚴而不殘故能出人於沾危之域躋俗於仁壽之地是以賈誼有言天下之有惡吏之罪也頃深汰珪符妙簡銅墨而春雉未駟秋蟬不散入在朕前湊其智畧出連城守闕爾無聞豈薪樵之道未弘為網羅之目尚簡悉意正辭

無侵執事。○又問朕聞上智利民不述於禮太賢疆國  
問圖惟舊豈非療飢不期於鼎食拯溺無待於規行是  
以三王異道而共昌五霸殊風而並烈今農戰不脩文  
儒是競奔本徇末厥弊滋多昔宋臣以禮樂為殘賊漢  
主比文章於鄭衛豈欲非聖無法將以既道而權今欲  
專士女於耕桑習鄉閭以弓騎五都復而事庠序四民  
富而歸文學其道奚若爾無面從。○又問自晉氏不綱  
關河蕩析宋人失馭淮汴崩離朕思念舊民永言攸濟  
故選將開邊勞來安集加以納款通和布德修禮歌皇  
華而遣使賦膏雨而懷賓所以關洛動南望之懷獯夷

遠北歸之念夫危葉畏風驚禽易落無待干戈聊用辭  
辯片言而求三輔一說而定五州斯路何階人誰或可  
進謀誦志以沃朕心

天監三年策秀才文三首天監武帝任昉

問秀才朕長驅樊鄧直指商郊紂所都也因藉時來乘此歷運當  
張麻風也永念猶懷慙德何者百王之敝齊季斯甚衣冠禮樂  
掃地無餘雕斲列方經綸草昧採三王之禮冠履粗分  
因六代之樂宮判始辨而百度草創倉廩未實若終畝  
不稅則國用靡資百姓不足則側隱深慮每時入芻藁  
歲課田租憂色也愀然疚懷如憐赤子今欲使朕無滿堂之念

漢書九流有  
儒家流道家流  
陰陽家流法家  
流名家流墨家  
流縱橫家流雜  
家流農家流

民有家給之饒。漸登九年之蓄。稱去關市之賦。子大夫  
當此三道利用。賓王斯理。何從佇聞良說。○問朕本自  
諸生。弱齡有志。閉戶自精。開卷獨得。九流七畧。頗常觀  
覽。六藝百家。庶非牆面。雖一日萬機。早朝宴罷。聽覽之  
暇。三餘靡失。上之化下。草偃風從。惟此虛寡。弗能動俗。  
昔紫衣賤服。猶化齊風。長纓鄙好。且變鄒俗。雖德慙。律  
賢業優。前事且夫。摛紳道行。祿利然也。朕傾心駿骨。非  
懼真龍。輜駟青紫。如拾地芥。而惰游廢業。十室而九。鳴  
鳥菽聞。子衿不作。弘獎之路。斯旣然矣。猶其寂寞。應有  
良規。○問朕立諫鼓。設謗木。於茲三年矣。此雖輻輳。闕  
詩序曰子衿刺幽子校廢也  
堯置諫之鼓有欲諫則擊之設謗木於闕有諫者後入擊之

下多非政。要日伏青蒲。罕能切直。將齊季多諱。風流遂  
往。將謂朕空然慕古。虛受弗弘。然自君臨萬寓。介在民  
上。何嘗以一言失旨。轉徙朔方。睚眦有違。論輸左校。而  
使直臣杜口。忠讜路絕。將恐弘長之道。別有未周。悉意  
以陳。極言無隱。  
表類 薦補衡表  
融字文舉魯國人幼有異才好  
學舉高第拜御史歷官至少府  
臣聞洪水橫流。帝思俾乂。旁求四方。以招賢俊。昔世不  
繼。統將弘祖業。疇咨熙載。羣士響臻。陛下敷聖纂。承基  
緒。遭遇厄運。勞謙日久。維嶽降神。異人並出。竊見處士

平原禰衡年二十四字正平淑質貞亮英才卓犖初涉  
藝文升堂觀奧目所一見輒誦之口耳所暫聞不忘於  
心性與道合思若有神弘羊潛許安世默識以衡準之  
誠不足怪忠果正直志懷霜雪見善若驚疾惡若讎任  
座抗行史魚厲節殆無以過也鷲鳥累百不如一鶚使  
衡立朝必有可觀飛辯騁辭溢氣全滯解疑釋結臨敵  
有餘昔賈誼求試屬國詭係單于終軍欲以長纓牽致  
勁越弱冠慷慨前世美之近日路粹嚴象亦用異才擢  
拜臺郎衡宜與為比如得龍躍天衢振翼雲漢揚聲紫  
微垂光虹蜺足以昭近署之多士增四門之穆穆鈞天

廣樂必有奇麗之觀帝室皇居必畜非常之寶若衡等  
輩不可多得激楚陽阿至妙之容掌伎者之所貪飛兔  
騶虞絕足奔放良樂之所急也臣等區區敢不以聞陛  
下篤慎取士必須効試乞令衡以褐衣召見必無可觀  
采臣等受面欺之罪

出師表 後主建興五年亮率軍北駐漢中臨發上疏

諸葛亮 亮字孔明琅琊人位丞相

魏吳蜀

臣亮言先帝創業未半而中道崩殂今天下三分益州  
罷弊此誠危急存亡之秋也然侍衛之臣不懈於內忠  
志之士亡身於外者蓋追先帝之遇欲報之於陛下也



誠宜開張聖聽以光先帝遺德恢志士之氣不宜妄自  
菲薄引喻失義以塞忠諫之路也。宮中府中俱為一體  
陟罰臧否不宜異同。若有作姦犯科及為忠善者宜付  
有司論其刑賞以昭陛下平明之治不宜偏私使內外  
異法也。侍中侍郎郭攸之費禕董允等此皆良實志慮  
忠純是以先帝簡拔以遺陛下愚以為宮中之事事無  
大小悉以咨之然後施行必能裨補闕漏有所廣益也。  
將軍向寵性行淑均曉暢軍事試用於昔日先帝稱之  
曰能是以眾議舉寵為督愚以為營中之事悉以諮之  
必能使行陣和睦優劣得所也。親賢臣遠小人此先漢

所以興隆也。親小人遠賢士此後漢所以傾頽也。先帝  
在時每與臣論此事未嘗不歎息痛恨於桓靈也。侍中  
尚書謂蔣琬長史參軍此悉貞亮死節之臣也。願陛下親之信  
之則漢室之隆可計日而待也。臣本布衣躬耕於南陽  
苟全性命於亂世不求聞達於諸侯先帝不以臣卑鄙  
猥自枉屈三顧臣於草廬之中諮臣以當世之事由是  
感激遂許先帝以驅馳後值傾覆受任於敗軍之際奉  
命於危難之間爾來二十有一年矣先帝知臣謹慎故  
臨崩寄臣以大事也。受命以來夙夜憂歎恐託付不效  
以傷先帝之明故五月渡瀘深入不毛言草木不生之地今南方已定兵

甲巳足當獎帥三軍北定中原庶竭駑鈍攘除姦凶與

一本作帥

復漢室還于舊都此臣之所以報先帝而忠陛下之職

一本作規

分也至於斟酌損益進盡忠言則攸之禱允之任也願

陛下託臣以討賊興復之效不效則治臣之罪以告先

一本作若無與德之言則殺臣等以盡其慢

帝之靈責攸之禱允之咎以彰其慢陛下亦宜自謀以

咨諏善道察納雅言深追先帝遺詔臣不勝受恩感激

一本作勝受恩感激當遠離

今當遠離臨表涕泣不知所云

求自試表

太和二年植還雍丘常自憤抱利器而無所施上疏求自試 曹植

臣植言臣聞士之生世入則事父出則事君事父尚於榮

親事君貴於興國故慈父不能愛無益之子仁君不能畜無

用之臣夫論德而授官者成功之君也量能而受爵者畢命

之臣也故君無虛授臣無虛受虛授謂之謬舉虛受謂之尸

祿詩之素餐所由作也昔二虢不辭兩國之任其德厚也且奭

魏仲魏叔俱封於魏而不辭者以有身于德於周也

不讓燕魯之封其功大也今臣蒙國重恩三世於今矣正值

陛下升平之際沐浴聖澤潛潤德教可謂厚幸矣而位竊

東藩爵在上列身被輕煖口厭百味自極華靡耳倦絲竹者爵

重祿厚之所致也退念古之受爵祿者有異於此皆以功勤濟

國輔主惠民今臣無德可述無功可紀若此終年無益國朝

將往風人彼巳之譏是以上慙玄冕俯媿朱紱方今天下一統

九州晏如顧西尚有違命之蜀東有不臣之吳使邊境未得稅甲

謀士未得高枕者。誠欲混同宇內。以致太和也。故啓滅有扈。而又  
功昭成克商奄。而周德著。今陛下以聖明統世。將欲卒文武之功。  
繼成康之隆。簡良授能以方叔邵虎之臣。鎮衛四境。爲國爪牙者。  
可謂當矣。然而高鳥未挂於輕繳。淵魚未懸於鈞餌者。恐鈞射  
之術或未盡也。昔耿弇不俟光武。亟擊張步。言不以賊遺於君  
父也。故車右伏劍於鳴轂。雍門刎首於齊境。若此。二子豈惡主  
而尚死哉。誠忿其慢主而陵君也。天君之寵臣。欲以除患興祚。  
臣之事君。必殺身靜亂。以功報主也。昔賈誼弱冠求試。屬國請  
係單于之頸。而制其命。終軍以妙年使越。欲得長纓。占其王。羈  
致北關。此一臣豈好爲夸主。而耀世俗哉。志或鬱結。欲逞才力。

輸能於明君也。昔漢武爲霍去病治第。辭曰。匈奴未滅。臣無以  
家爲固。夫憂國忘家。捐軀濟難。忠臣之志也。今臣居外。非不厚  
也。而寢不安席。食不遑味者。伏以一方未尅。爲念伏見先帝武  
臣宿兵。年者卽世者有聞矣。雖賢不乏。世宿將舊卒。猶習戰也。  
竊不自量。志在效命。庶立毛髮之功。以報所受之因。若使陛下  
出不世之詔。效臣錐刀之用。使得西屬大將軍當一校之隊。若  
東屬大司馬統偏師之任。必乘危躡險。騁舟奮驪。突刃觸鋒。爲  
士卒先。雖未能禽權。馘亮。庶將虜其雄。率殲其醜。類必效須臾  
之捷。以滅終身之愧。使名挂史筆。事列朝榮。雖身分劓境。首懸  
吳闕。猶生之年也。如微才不試。沒世無聞。徒榮其軀。而豐其體。

楚莊王與群臣夜宴，燭滅，有引玉美人衣，美人乃挽絕其纒，以告王曰：飲人禮，乃命群臣皆絕纒，然後樂楚響音，戰有以常力戰，斬首以退，問之乃肯絕纒者。

後公失馬，野人取之，公自求之，見野人方食之，公曰：食駿馬肉，不飲酒，恐傷女，徧飲而去。

生無益於事，死無損於數。虛荷上位而忝重祿，禽息鳥視，終於白首。此徒圜牢之養物，非臣之所志也。流聞東軍失備，師徒小

劬，輟食弃餐，奮袂攘袵，撫劔東顧，而心已馳於吳會矣。臣昔從先武皇帝，南極赤岸，東臨滄海，西望玉門，北出玄塞，伏見所以行軍用兵之勢，可謂神妙矣。故兵者不可豫言，臨難而制變者也。志欲自效於明時，立功於聖世。每覽史籍，觀古忠臣義士，出一朝之命，以殉國家之難，身雖屠裂，而功銘著於景鍾，名稱垂於竹帛，未嘗不拊心而歎息也。臣聞明主使臣，不廢有罪，故奔北敗軍之將，用秦魯以成其功。絕纒盜馬之臣，赦楚趙以濟其難。臣竊感先帝早崩，威王弃世，臣獨何人，以堪長久。常恐先朝

露填溝壑，墳土未乾，而身名並滅。臣聞騏驎長鳴，伯樂昭其能，盧狗悲號，韓國知其才。是以效之齊楚之路，以逞千里之任。試之狡兔之捷，以驗搏噬之用。今臣志狗馬之微功，竊自惟度，終無伯樂韓國之舉。是以於邑而竊自痛者也。夫臨博而企竦，聞樂而竊拊者，或有賞音而識道也。昔毛遂趙之陪隸，猶假錐囊之喻，以寤主立功。何況巍巍大魏，多士之朝，而無慷慨死難之臣乎。夫自銜自媒者，士女之醜行也。干時求進者，道家之明忌也。而臣敢陳聞於陛下者，誠與國分形同氣，憂患共之者也。冀以塵露之微，補益山海，螢燭未光，增暉日月。是以敢冒其醜而

獻其忠知必為朝士所笑聖主不以人廢言伏惟陛下  
少垂神聽臣則幸矣

求通親親表

本和五年植以帝不聽諸王入朝故上表求存問親戚

曹植

臣植言臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之為君惟天為大惟堯則之夫天德之於萬物可謂弘廣矣蓋堯之為教先親後疏自近及遠其傳曰克明俊德以親九族九族既睦平章百姓及周之文王亦崇厥化其詩曰刑于寡妻至于兄弟以御于家邦是以雍雍穆穆風人詠之昔周公弟管蔡之

不咸廣封懿親以藩屏王室傳曰周之宗盟異姓為後誠骨肉之恩爽而不離親親之義寔在敦固未有義而後其君仁而遺其親者也伏惟陛下咨帝唐欽明之德體文王翼翼之仁惠洽椒房恩昭九族羣臣百寮蕃休遍上執政不廢於公朝下情得展於私室親理之路通慶弔之情展誠可謂恕已治人推恩施恩者矣至於臣者人道絕緒禁錮明時臣竊自傷也不敢乃望交氣類脩人事敘人倫近且婚媾不通兄弟永絕吉凶之間塞慶弔之禮廢恩紀之違甚於路人隔閔之異殊於胡越今臣以一切之制永無朝覲之望至於注心皇極結情

紫闈多神明知之矣。然天實為之。謂之何哉。退省諸王常  
有戚戚具爾之心。願陛下沛然垂詔。使諸國慶問。四節  
得展。以敘骨肉之歡恩。全怡怡之篤義。妃妾之家膏沐  
之遺。歲得再通。齊義於貴宗等。惠於百司。如此。則古人  
之所歎。風雅之所詠。復存於聖世矣。臣伏自惟省。無錐  
刀之用。及觀陛下之所拔授。若以臣為異姓。竊自料度  
不後於朝士矣。若得辭遠游。戴武弁。解朱組。佩青紱。駟  
馬奉車。趣得一號。安宅京室。執鞭珥筆。出從華蓋。入侍  
輦轂。承答聖問。拾遺左右。乃臣丹情之至願。不離於夢  
想者也。遠慕鹿鳴君臣之宴中。詠棠棣匪他之誠。下思

美君臣嘉宴詩也  
刺兄弟不睦詩也

詩篇  
伐木友生之義。終懷我罔極之哀。每四節之會。塊然  
獨處。左右唯僕隸。所對唯妻子。高談無所與。陳發義無  
所與。展未曾不聞樂。而拊心臨觴而歎息也。臣伏以為  
犬馬之誠。不能動人。譬人之誠。不能動天。崩城隕霜。臣  
初信之。以臣心况徒虛語爾。若葵藿之傾葉。太陽雖不  
為之迴光。終向之者。誠也。臣竊自比葵藿。若降天地之  
施。垂三光之明者。寔在陛下。臣聞文子曰。不為福始。不  
為禍先。今之否隔友于。同憂而臣獨唱言者。何也。竊不  
願於聖代。使有不蒙施之物。必有慘毒之懷。故柏舟有  
天只之怨。谷風有弃予之歎。伊尹恥其君不為堯舜。孟

①杞婦妻其  
夫於城下而  
哭。內誠動  
道。路過者莫不  
為之揮淚。下  
而城為之崩。  
②淮南王曰。鄭  
書。感於慈惠。王  
王信。信即鄭  
卿子。仰天與  
正。及而天為  
降霜。

詩篇  
美君臣嘉宴詩也  
刺兄弟不睦詩也

子曰。不以弼之所以事。堯事其君者。不敬其君者也。臣之愚蔽。固非虞伊。至於欲使陛下崇光被時雍之美。宣緝熙章明之德。者是臣懷懷之誠。竊所獨守。寔懷鶴立企佇之心。敢復陳聞者。冀陛下儻發天聰。而垂神聽也。

讓開府表

羊祜

祜字叔子。太山人。能屬文。為中書郎。陳留王立封。平子。

世祖受禪。加散騎常侍。後以祜都督荊州諸軍事。又為車騎將軍。開府儀同三司。祜表讓

臣祜言。臣昨出伏聞恩詔。拔臣使同治同。臣自出身以來。適十數年。受任外內。每極顯重之地。常以智力不可彊進。恩寵不可久。諒夙夜戰慄。以榮為憂。臣聞古人之言。德未為衆所服。而受高爵。則使才臣不進。功未為衆

所歸。而荷厚祿。則使勞臣不勸。今臣身託外戚。事遭運

會。誠在過寵。不患見遺。而猥超然降發中之詔。加非次

之榮。臣有何功。可以堪之。何心可以安之。以身誤陛下

辱高位。傾覆亦尋而至。願復守先人弊廬。豈可得哉。違

命誠忤天威。曲從即復。若此。蓋聞古人申於見知。大臣

之節。不可則止。臣雖小人。敢緣所蒙。念存斯義。今天下

自服化。已來。方漸八年。雖側席求賢。不遺幽賤。然臣等

不能推有德進有功。使聖聽知勝。臣者多而未達者不

少。假令有遺德於版築之下。有隱才於屠釣之間。而令

朝議用臣。不以爲非。臣處之。不以爲愧。所失豈不大哉。

言文傳言大卷之十

七

且臣忝竊雖久未若今日兼文武之極寵等宰輔之高  
位也臣所見雖狹據今光祿大夫李喜秉節高亮正身  
在朝光祿大夫魯芝繫身寡欲和而不同光祿大夫李  
胤莅政弘簡在公正色皆服事華髮以禮始終雖歷內  
外之寵不異寒賤之家而猶未蒙此選臣更越之何以  
塞天下之望少益日月是以誓心守節無苟進之志今  
道路未通方隅多事乞留前恩使臣得速還屯不爾留  
連必於外虞有闕臣不勝憂懼謹觸冒拜表惟陛下察  
匹夫之志不可以奪

陳情表

李密 密字令伯犍為武陽人父早亡母更

適人密養祖母以孝聞蜀平後晉武帝徵為太子洗馬詔書累下郡縣逼迫密上此疏武帝覽其表嘉其誠款賜奴婢二人使郡縣供祖母膳祖母卒服終從尚書郎為河內溫令

臣密言臣以險巖夙遭閔凶生孩六月慈父見背行年  
四歲舅奪母志祖母劉愍臣孤弱躬親撫養臣少多疾  
病九歲不行零丁孤苦至于成立既無叔伯終鮮兄弟  
門衰祚薄晚有兒息外無蕃功疆近之親內無應門五  
尺之僮孳然獨立形影相弔而劉夙嬰疾病常在牀蓐  
臣侍湯藥未曾廢離逮奉聖朝沐浴清化前太守臣逵  
察臣孝廉後刺史臣榮舉臣秀才臣以供養無主辭不



赴會詔書特下拜臣郎中尋蒙國恩除臣洗馬猥以微  
賤當侍東宮非臣慎首所能上報臣具以表聞辭不就  
職詔書切峻責臣道慢郡縣逼迫催臣上道州司臨門  
急於星火臣欲奉詔奔馳則劉病日篤欲苟順私情則  
告訴不許臣之進退實為狼狽伏惟聖朝以孝治天下  
凡在故老猶蒙矜育况臣孤苦特為尤甚且臣少仕偽  
朝歷職郎署本圖宦達不矜名節今臣亡國賤俘至微  
至陋過蒙拔擢寵命優渥豈敢盤桓有所希冀但以劉  
日薄西山氣息奄奄人命危淺朝不慮夕臣無祖母無  
以至今日祖母無臣無以終餘年母孫二人更相為命

魏武子有廢  
妾無子武子疾  
命子願曰吾死  
嫁之及因武曰  
殺以殉葬武從  
初言嫁之後與  
秦將杜回戰願  
見老人提骨以  
丸杜回曰願為  
願所獲中夜夢  
結草為人曰  
妾之也報秦  
殺之心

是以區區不能廢遠臣密今年四十有四祖母劉今年  
九十有六是臣盡節於陛下之日長報劉之日短也烏  
烏私情願乞終養臣之辛苦非獨劉之人士及一州牧  
伯所見明知皇天后土實所共鑒願陛下矜愍愚誠聽  
臣微志庶劉僥倖保卒餘年臣生當隕首死當結草臣  
不勝犬馬怖懼之情謹拜表以聞

謝平原內史表  
諸侯之臣於天子朝稱陪臣  
陪臣陸機言今月九日魏郡太守遣兼丞張含賁板詔  
九玉封拜謂之校官時成都攝政故稱校詔  
書印綬假臣為平原內史拜受祗竦不知所裁臣機頓  
首頓首死罪死罪臣本出自敵國世無先臣宣力之效

高文侯詩六卷之二  
才非丘園耿介之秀皇澤廣被惠濟無遠權自羣萃野  
蒙榮進入朝九載歷官有六身登三閣宦成兩宮服冕  
乘軒仰齒貴游振景拔迹顧邈同列施重山岳義足灰  
沒遭國顛沛無節可紀雖蒙曠盪臣獨何顏俛首頓膝  
憂愧若厲而橫為故齊王剛所見枉陷誣臣與眾人共  
作禪文幽執囹圄當為誅始臣之微誠不負天地倉卒  
之際慮有逼迫乃與弟雲及散騎侍郎素瑜中書侍郎  
馮熊尚書右丞崔基廷尉正顧榮汝陰太守曹武思所  
以獲免陰蒙避迴崎嶇自列片言隻字不關其間事蹤  
筆跡皆可推校而一朝翻然更以為罪叢爾之生尚不

韓安國事  
有罪在徒中漢  
使張羽誅安國  
為內史  
張敞為京兆  
尹殺人破罪遂  
逃走後冀州  
有賊天子思敞  
使治之敞隨請  
錫為冀州刺史

足矣區區本懷實有可悲畏逼天威即罪惟謹鉗口結  
舌不敢上訴所天莫大之靈日經聖聽肝血之誠終不  
一聞所以臨難慷慨而不能不恨恨者唯此而已重蒙  
陛下愷悌之宥迴霜收電使不隕越復得扶老携幼生  
出獄戶懷金拖紫退就散輩感恩惟咎五情震悼踰天  
躋地若無所容不悟日月之明遂垂曲照雲雨之澤播  
及朽瘁忘臣弱才身無足采哀臣零落罪有可察苟削  
冊書得夷平民則塵洗天波謗絕衆口臣之始望尚未  
至是猥辱大命顯授符虎使春枯之條更與秋蘭垂芳  
陸沉之羽復與翔鴻撫翼雖安國免徒起紆青組張敞

高文侯詩六卷之二

卷之二

亡命坐致朱軒方臣所荷未足為泰豈臣蒙垢含吝所  
宜命也謂所犯罪各已定而逃之謂之亡命悉竊非臣毀宗夷族所能上報喜懼參并悲慙哽結  
柳守常憲當便道之官不得表身奔走稽顙城闕瞻係  
天衢馳心輦轂臣不勝屏營延仰謹拜表以聞

勸進表

愍帝為劉曜所殺琅邪王睿在江南時劉現現在并州段四碑在冀州此表勸獻

為天子現作勸進表無所點寫劉現  
封印既畢對使者流涕而遣之

建興五年三月癸未朔十八日辛丑使持節散騎常侍  
都督河北并冀幽三州諸軍事領護軍匈奴中郎將同  
空并州刺史廣武侯臣現使持節侍中都督冀州諸軍  
事撫軍大將軍冀州刺史左賢王渤海公臣四碑頓首

死罪上書臣現臣四碑頓首頓首死罪死罪臣聞天生  
蒸民樹之以君所以對越天地司牧黎元聖帝明王鑒  
其若此知天地不可以乏饗故屈其身以奉之知黎元  
不可以無主故不得已而臨之社稷時難則成藩定其  
傾郊廟或替則宗哲纂其祀所以弘振遐風式固萬世  
三五以降靡不由之臣現臣四碑頓首頓首死罪死罪  
伏惟高祖宣皇帝肇基景命世祖武皇帝遂造區夏三  
葉重光四聖繼軌惠澤侔於有虞卜年過於周氏自阮  
陳以來艱禍繁興永嘉之際氛厲彌昏宸極失御登遐  
醜裔國家之危有若綴旒賴先后之德宗廟之靈皇帝

嗣建舊物克甄誕授欽明服膺聰哲玉質幼彰金聲夙  
振家宰攝其綱百辟輔其治四海想中興之美羣生懷  
來蘇之望不圖天不悔禍大災荐臻國未忘難寇害尋  
興逆胡劉曜縱逸西都敢肆犬羊陵虐天邑臣等奉表  
使還仍承西朝以去年十一月不守主上幽劫復沉劇  
廷神器流離再辱荒逆臣每覽史籍觀之前載厄運之  
極古今未有苟在食土之毛含氣之類莫不叩心絕氣  
行號巷哭况臣等荷寵三世位廁鼎司承問震惶精爽  
飛越且悲且惋五情無主舉哀朔垂上下泣血臣瑗臣  
匹殫頓首頓首死罪死罪臣聞昏明迭用否泰相濟天

幽壁愛衆  
妙竟空后度  
父自侯乃與西  
夷大戎共攻幽

命未改歷數有歸或多難以固邦國或殷憂以啓聖明  
齊有無知之禍而小白爲五伯之長晉有驪姬之難而  
重耳主諸侯之盟社稷靡安必將有以扶其危黔首幾  
絕必將有以繼其緒伏惟陛下玄德通於神明聖姿合  
於兩儀應命世之期紹千載之運夫符瑞之表天人  
徵中興之兆圖織垂典自京畿隕喪九服崩離天下  
然無所歸懷雖有夏之遘夷昇宗姬之離犬戎獲以過  
之陛下撫寧江左奄有舊吳柔服以德伐叛以刑抗明  
威以攝不類仗大順以肅宇內純化既敷則率土宅心  
義風既暢則遐方企踵百揆時序於上四門穆穆於下

注東也

雍周姓也

謂家慶平陽也

昔少康之隆夏訓以爲美談宣王之興周詩以爲休詠况茂勲格于皇天清輝光于四海蒼生顯然莫不欣戴聲教所加願爲臣妾者哉且宣皇之胤唯有陛下億兆攸歸曾無與二天祚大晉必將有王王晉祀者非陛下而誰是以邇無異言遠無異望謳歌者無不吟詠猷猷獄訟者無不思于聖德天地之際既交華喬之情允洽一角之獸連理之木以爲休徵者蓋有百數冠帶之倫要荒之衆不謀而同辭者動以萬計是以臣等敢考天地之心因函夏之趣味死以上尊號願陛下存舜禹至公之情狹巢由抗矯之節以社稷爲務不以小行爲先

以黔首爲憂不以克讓爲事上以慰宗廟乃顧之懷下以釋普夫傾首之望則所謂生繁華於枯萸育豐肌於朽骨神人獲安無不幸甚臣現臣匹磾頓首頓首死罪死罪臣聞尊位不可久虛萬機不可久曠虛之一日則尊位以殆曠之浹辰則萬機以亂方今鍾百王之季當陽九之會狡寇窺窬伺國瑕隙齊民波蕩無所繫心安可以廢而不恤哉陛下雖欲逡巡其若宗廟何其若百姓何昔惠公虜秦晉國震駭呂卻之謀欲立子圉外以絕敵人之志內以固闔境之情故曰喪君有君群臣轉穆好我者勸惡我者懼前事之不忘後代之元龜也陛下

詩文傳記大全卷之十  
合也莊王自方二千里闔境之內

下明並日月無幽不燭深謀遠慮出自曾懷不勝犬馬  
 憂國之情違觀人神開泰之路是以陳其乃誠布之執  
 事臣等各忝守方任職在遠外不得陪列闕庭共觀盛  
 禮踊躍之懷南望罔極謹上臣現謹遣兼左長史右司  
 馬臣温嶠主簿臣辟閭訓臣碑遣散騎常侍征虜將軍  
 清河太守領右長史高平亭侯臣榮劭輕車將軍關内  
 侯臣郭穆奉表臣現臣匹碑等頓首頓首死罪死罪  
 為吳令謝詢求為諸孫置守冢人表謝詢河東人元康中  
表為孫氏置守冢人詔從之  
 張俊閔字士然吳國人為太子廢子  
 臣聞成湯革夏而封祀武王入殷而建宋春秋征伐則

晉修虞祀燕祭齊廟夫一國為一人興先賢為後愚廢  
 誠仁聖所哀悼而不忍也故三王敦繼絕之德春秋貴  
 柔服之義昔漢高受命追存本國凡諸絕祀一時並祀  
 親與項羽對爭存亡速羽之死臨哭其喪將以位嘗伴  
 尊力嘗均勢雖功奪其成而恩與其敗且暴興疾顛禮  
 之若舊殘戮之尸乃以公葬若使羽位承前緒世有哲  
 王一朝力屈全身從命則楚廟不隳有後可冀伏惟大  
 晉應天順人武成止戈西戎有即序之人京邑開吳蜀  
 之館興滅加乎萬國繼絕接于百世雖三五弘道商周  
 稱仁洋洋之美未足以喻是以孫氏雖家失吳祚而族

言如併詩...

蒙晉榮子弟量才比肩進取懷金侯服佩青千里當時

受恩多有過望臣聞春雨潤木自葉流根鳴鴉恤功受

子及室故天稱罔極之恩聖有綢繆之惠追惟吳儻武

烈皇帝遭漢室之弱值亂臣之彊首唱義兵先衆犯難

破董卓於陽人濟神器於甄井威震群狡名顯往朝桓

王才武弱冠承業招百越之士奮鷹揚之勢西赴許都

將迎幼主雖元勳未終然至忠已著夫家積義勇之基

世傳扶危之業進為狗澳之臣退為開吳之王而蒸嘗

絕於三葉園陵殘於薪米臣竊悼之伏見吳平之初明

詔追錄先賢欲封其墓愚謂二君並宜應壽故舉勞則

力輸先代論德則惠存江南正刑則罪非爵寇從坐則

異世已輕若列先賢之數蒙詔書之恩裁加表異以寵

亡靈則人望克厭誰不曰宜二君私奴多在墓側今為

平民乞差五人蠲其徭役使四時修護頽毀掃除塗壘

永以為常

讓中書監表

庾亮 亮字元規明帝欲使為中

書監表讓後遷

臣亮言臣凡庸固陋少無檢操昔以中州多故舊邦喪

亂隨待先臣遠庇有道爰容逃難求食而已不悟邀時

之福遭遇嘉運先帝龍興垂異常之顧既眷同國土又

...

申之婚姻。遂階親寵。累忝非服。弱冠濯纓。沐浴玄風。頻繁省闈。出總六軍。十餘年間。位超先達。無勞被遇。無與臣比。小人祿薄。福過災生。止足之分。臣所宜守。而偷榮昧進。日爾一日。謗議既集。上塵聖朝。始欲自聞。而先帝登遐。區區微誠。竟未上達。陛下踐祚。聖政維新。宰輔賢明。庶寮咸允。康哉之歌。實在至公。而國恩不已。復以自領中書。則示天下以私矣。何者。臣於陛下。后之兄也。姻婭之嫌。實與骨肉中表不同。雖太上至公。聖德無私。然世之喪道。有自來矣。悠悠六合。皆私其姻者也。人皆有私。則謂天下無公矣。是以前後二漢。咸以抑后黨安進

婚族。危向使西京七族。東京六姓。皆非姻黨。各以平進。縱不悉全。決不盡敗。今之盡敗。更由姻昵。臣歷觀庶姓在世。無黨於朝。無援於時。植根之本。輕也薄也。苟無大瑕。猶或見容。至於外戚。憑託天地。勢連四時。根援扶疎。重矣大矣。而財居權寵。四海側目。事有不允。罪不容誅。身既招殃。國為之弊。其故何耶。直由婚媾之私。羣情之所不能免。故率其所嫌。而嫌之於國。是以疏附則信。姻進則疑。疑積於百姓之心。則禍成重關之內矣。此皆徃代成鑒。可為寒心者也。夫萬物之所不通。聖賢因而不奪。冒親以求一才之用。未若防嫌以明公道。今以臣之



才兼如此之嫌而使內處心膂外總兵權以此求治未  
之聞也以此招禍可立待也雖陛下二相明其愚款朝  
士百寮頗識其情天下之人何可門到戶說使皆坦然  
耶夫富貴寵榮臣所不能忘也刑罰貧賤臣所不能甘  
也今恭命則愈違命則苦臣雖不達何事背時違上自  
貽患責耶實仰覽殷鑒量已知弊身不足惜為國取悔  
是以惶惶屢陳丹款而微誠淺薄未垂察諒憂惶屏營  
不知所厝以臣今地不可以進明矣且違命已久臣之  
罪又積矣歸骸私門以待刑書願陛下垂天地之鑒察  
臣之愚誠則雖死之日猶生之年矣

薦譙元彦表

譙秀字元彦巴西人譙周孫性靜不交於俗李雄據蜀安曲徵秀秀

不應躬耕山藪桓溫

桓溫字元子譙國人為琅邪王文學後進位大司馬

臣聞太朴既虧則高尚之標顯道喪時昏則忠貞之義  
彰故有洗耳投淵以振玄邈之風亦有秉心矯跡以敦  
在三之節是故上代之君莫不崇重斯軌所以篤俗訓  
民靜一流競伏惟大晉應符御世運無常通時有屯蹇  
神州丘墟三方圯裂兔置絕響於中林白駒無聞於空  
谷斯有識之所悼心大雅之所歎息者也陛下聖德嗣  
興方恢犬緒臣昔奉役有事西土鯨鯢既懸思宜大化

詩云皎皎白駒在彼空谷此刺宜主不能留賢也

漢書晉王莽  
 既遣使者書  
 書太子師支祭  
 酒印殺安車駟  
 馬迎龍騰騰  
 知不可聽即謂  
 門人高暉曰去  
 受漢室有恩  
 以報今老矣且  
 暮入地誰當以  
 一身事一姓地  
 下見故主哉語  
 畢遂不復開臣  
 飲食積十四日  
 死  
 又曰莽以安車  
 迎薛方方因使  
 者謝曰典爵在  
 王下有與則今  
 明主左隆唐虞  
 之德亦猶小臣  
 欲守節六出節

訪諸故老搜揚潛逸庶武羅於羿浞之墟想王蠋於  
 齊之境竊聞巴西譙秀植操貞固抱德肥遯揚清渭波  
 于時皇極遘道消之會羣黎蹈顛沛之艱中華有顧瞻  
 之哀幽谷無遷喬之望凶命屢招姦威相通身寄虎吻  
 危同朝露而能抗節玉丘誓不降辱杜門絕跡不面偽  
 庭進免冀勝亡身之禍退無辭方詭對之譏雖園綺之  
 棲商洛管寧之默遼海方之於秀殆無以過于今西土  
 以為美談夫旌德禮賢化道之所先崇表殊節聖哲之  
 上務方今六合未康豺豕當路遺黎偷薄義聲弗聞益  
 宜振起道義之徒以敦流遯之敝若秀蒙蒲帛之徵足

也恭亦說野言  
 不強致之

以鎮靜頽風軌訓囂俗幽遐仰流九服知化矣

解尚書表

初相玄僭位仲文以佐命官尚殷仲文  
 貴建帝初反正抗表自求解職

臣聞洪波振壑川無恬鱗驚飈拂野林無靜柯何者勢  
 弱則受制於巨力質微則莫以自保於理雖可得而言  
 於臣寔所敢喻昔相玄之世誠復驅迫者衆至於愚臣  
 罪實深矣進不能見危授命忘身殉國退不能辭粟首  
 陽拂衣高謝遂乃宴安昏寵叨昧偽封錫文篡事曾無  
 獨固名義以乏俱淪情節自茲兼撓宜其極法以判忠  
 邪鎮軍臣裕匡復社稷大弘善貸侂一戮於微命申三  
 驅於大信既惠之以首領復引之以繫維于時皇輿否

不強致之

隔天八未泰用忘進退唯力是視是以僣俛從事自同  
全人今宸極反正惟新告始憲章既明品物思舊臣亦  
胡顏之厚可以顯居榮次乞解所職待罪私門違謝闕  
庭乃心愧慙謹拜表以聞

為宋公至洛陽謁五陵表 義熙十一年洛陽平  
樹命修晉五陵置守

臣裕言近振旅河湄揚於西邁將屆舊京威懷司雍河

流遄疾道阻且長加以伊洛榛蕪津塗久廢伐木通徑  
淹引時月始以今月十二日次故洛水浮橋山川無改

城闕為墟宮廟隳頓鍾簋空列觀宇之餘鞠為禾黍塵

里蕭條雞犬罕音感舊永懷痛心在目以其月十五日

奉謁五陵墳坐幽淪百年荒翳天衢開泰情禮獲申故

老掩涕三軍悽感瞻拜之日憤慨交集行河南太守毛

修之等既開翦荆棘結修毀垣職司既備蕃衛如舊伏

惟聖懷遠慕兼慰不勝下情謹遣傳詔殿中中郎臣某

奉表以聞

為宋公求加贈劉前軍表 劉穆之字道沖東莞  
人為前將軍卒追贈

臣聞崇賢旌善王化所先念功簡勞義深追遠故司勳

秉筭在勤必記德之休明沒而彌著故尚書左僕射前

贈侍中司徒封南昌縣侯 傅亮

儀同三司復因裕此表重

贈侍中司徒封南昌縣侯

傅亮

儀同三司復因裕此表重

贈侍中司徒封南昌縣侯

傅亮

言交... 卷之...  
軍將宜臣劉穆之。爰自布衣。協佐義始。內竭謀猷。外勤庶政。密勿軍國。心力俱盡。及登庸朝右。尹司京畿。敷讚百揆。翼新大猷。頃戎車遠役。居中作得。撫寧之勳。實洽朝野。識量局致。棟幹之器也。方宣讚盛化。緝隆聖世。志績未究。遠邇悼心。皇恩褒述。班同三事。榮哀既備。寵靈已泰。臣伏思尋自義熙草創。艱患未弭。外虞既殷。內難亦荐。時屯世故。靡有寧歲。臣以寡劣。負荷國重。實賴穆之匡翼之勳。豈唯謹言嘉謀。溢干民聽。若乃忠規密謀。潛慮惟幕。造膝詭辭。莫見其際。事隔於皇朝。功隱於視聽者。不可勝記。所以陳力一紀。遂克有成。出征入輔。幸

不辱命。徵夫人之左右。未有寧濟其事者。履謙居寡。守之彌固。每議及封爵。輒深自抑絕。所以勳高當年。而茅土弗及。撫事永念。胡寧可昧。謂宜加贈正司。追甄土宇。俾忠貞之烈。不泯於身後。大賚所及。永秩於善人。臣契闊屯夷。旋觀終始。金蘭之分。義深情感。是以獻其乃懷。布之朝聽。所啓上合。請付外詳議。  
一主 爲齊明帝作相讓宣城郡公第一表  
齊明帝名鸞。初立弟昭。文武以同康。為皇 帝錄尚書事。封宣城郡公。固讓不受。後廢帝自立。任昉  
臣鸞言。被臺同召。以臣爲侍中中書監。驃騎大將軍。開府儀同三司。揚州刺史。錄尚書事。封宣城郡。開國公。食邑

不辱命  
徵夫人之左右  
未有寧濟其事者  
履謙居寡  
守之彌固  
每議及封爵  
輒深自抑絕  
所以勳高當年  
而茅土弗及  
撫事永念  
胡寧可昧  
謂宜加贈正司  
追甄土宇  
俾忠貞之烈  
不泯於身後  
大賚所及  
永秩於善人  
臣契闊屯夷  
旋觀終始  
金蘭之分  
義深情感  
是以獻其乃懷  
布之朝聽  
所啓上合  
請付外詳議

儀同三司揚州刺史錄尚書事封宣城郡開國公食邑

子霍光字子孟  
武帝使輔昭帝  
帝崩後輔昌  
王質質無道以  
大石命廢質  
日天子有爭臣  
不美天下

三千人加兵五千八臣本庸才智力淺短大祖高皇帝  
篤猶子之愛降家人之慈世祖武皇帝情等布衣寄深  
同氣武皇大漸實奉話言雖自見之明庸近所蔽愚夫  
一至偏識量已實不忍自固於綴衣之辰拒違於玉几  
之側遂荷顧託導揚末命雖嗣君棄常獲罪宣德王室  
不造職臣之由何者親則東牟任惟博陸徒懷子孟社  
稷之對何救昌邑爭臣之譏四海之議於何逃貴且陵  
土未乾訓誓在耳家國之事一至於斯非臣之尤誰任  
其咎將何以肅拜高寢虔奉武園悼心失圖泣血待旦  
寧容復徼榮於家恥宴安於國危驃騎上將之元勳神

州儀刑之列岳尚書古稱同會中書實管王言且虛飾  
寵章委成禦侮臣知不愜物誰謂宜但命輕鴻毛責重  
山岳存沒同歸毀譽一貫辭一官不減身累增一職已  
黷朝經便當自同體國不為飾讓至於功均一臣賞同  
千室光宅近甸奄有全邦隕越為期不敢聞命亦願曲  
留降鑒即垂順許鉅平之懇誠彌固永昌之丹慊獲申  
乃知君臣之道綽有餘裕苟曰易昭敢守難奪故可庶  
心弘議酌已親物者矣不勝荷懼屏營之誠謹附某官  
某甲奉表以聞

為范尚書讓使部封侯第一表

范雲字彥龍與  
梁武同事齊竟

①漢書曰陽  
天子旨好車馬  
衣服其自秦養  
極為鮮明及遷  
徙之處所載不  
過囊衣爾  
②馬援為文郎  
太子出意以  
治產氣遂取  
車將還時人以  
為重珍怪因  
而流謗

陵王梁武受禪  
以為吏部尚書

任昉

臣雲言被尚書召以臣為散騎常侍吏部尚書封霽城  
縣開國侯食邑千戶奉命震驚心顏無措臣雲頓首頓  
首死罪死罪臣素門凡流輪翮無取進謝中庸退慙狂  
狷固嘗鑽厲求學而一經不治篆刻為文而三冬靡就  
負書燕魏空殫菽粟躡齊楚徒知貧賤既而分虎出  
守以囊被見嗤持斧作牧以慧艾興謗赭衣為虜見獄  
吏之尊除名為民知井臼之逸百年上壽既曰徒然如  
其誠說亦以過半亂離斯瘼欲以安歸閉門荒郊再離  
寒暑兼以東臯數畝控帶朝夕關外一區悵望鍾阜雖

③後漢郭泰性  
明知入好與訓  
士類其裝致千  
人皆好之  
④後漢許都少  
吸各節好發  
倫多所賞  
天下高故主者  
咸稱許郭

室無趙女而門多好事祿微賜金而歡同娛老折芟燔  
粘此焉自足陛下應期萬世接統千祀三千景附八百  
不謀臣雲等離心功慙同德泥首在顏輿棺未毀締構  
草昧敢叨天功獄訟謳歌示同民志而降器大名一朝  
總集顧已及躬何以臻此政當以接開白水列宅舊豐  
忘捨講之尤存諸公之費俯拾青紫豈行明經臣雲頓  
首頓首死罪死罪夫銓衡之重關諸隆替遠惟則首在  
帝猶難漢魏以降達識繼軌雅俗所歸唯稱許郭拔十  
得五尚曰比肩其餘得失未聞偶察童幼天機暫發顧  
無足非在魏則毛玠公方居晉則山濤識量以臣况之

評註

三

八

一何。新在齊季。陵遲官。方瀆亂。鴻都不綱。西園成市。金  
章有盈。筭之談華。貂深不足之歎。草創惟始。義存改作。  
恭已南面。責成斯在。豈宜妄加寵私。以乏王事。附蟬之  
飾。空成寵章。求之公私。授受交失。近世侯者。功緒參差。  
或足食關中。或成軍河內。或制勝帷幄。或門人加親。或  
與時抑揚。或隱若敵國。或策定禁中。或功成野戰。或盛  
德如卓茂。或師道如桓榮。或四姓侍祠。已無足紀。五侯  
外戚。且非舊章。而臣之所附。唯在恩澤。既義異疇。庸實  
榮華。儒者雖小人貪。幸豈獨無心。臣本自諸生家。承素  
業。門無富貴。易農而仕。乃祖玄平。道風秀世。爰在中興。

儀刑多士。位裁元凱任止。牧伯高祖。少連夙秉高尚。所  
富者義。所乏者時。薄宦東朝。謝病下邑。先志不忘。愚臣  
是庶。且去歲冬。初國學之老博士耳。今茲首夏。將亞冢  
司。雖千秋之車丞相高祖園寢也。九月九遷為丞相。一月九遷。荀爽之十旬遠。至方之微臣。未  
為速達。臣雖無識。唯利是視。至於虧名損實。為國為身。  
知其不可。不敢妄冒。陛下不棄。管蒯愛同。絲麻儻平生  
之言。猶在聽覽。宿心素志。無復貳辭。於臣所乞。特廻寵  
命。則彝章載穆。微物知免。臣今在假。不容萌省。不任荷  
懼之至。謹奉表以聞。

為蕭揚州作薦士表  
始安王遙光為揚州刺史。齊建武初有詔舉士。王表

薦琅邪王暕  
及王僧孺

任昉

臣王言臣聞求賢暫勞垂拱永逸方之疏壤取類導川  
伏惟陛下道隱旒纒信充符璽六飛同塵五讓高世白  
駒空谷振鷺在庭猶懼隱鱗卜祝藏器屠保物色關下  
委裘河上非取製於一狐諒求味於兼采而五聲倦響  
九工是詢寢議廟堂借聽輿卓臣位任隆重義兼家邦  
實欲使名實不違微倖路絕勢門上昂猶當格以清談  
英俊下僚不可限以位貌竊見秘書丞琅邪臣王暕年  
二十一字思晦七葉重光海內冠冕神清氣茂允迪中  
和叔寶理遺之談彥輔名教之樂故以暉映先達領袖

世說曰王平  
子胡舟在國諸  
人皆欣性為  
建或去衣裸體  
樂廣曰多教中  
即有樂也何為  
乃爾

晉陽春秋曰  
車胤與負  
貪不常得油  
月則練蠶盛  
上螢火以交  
孫康家貧  
垂讀書於  
遊不交  
漢書曰路溫  
舒取澤中蒲  
為餅編書  
曹叡依茶  
為即謂此  
大會靈臺得  
鼠如物之  
光澤世祖以問  
群臣莫能知者  
叡對曰鼠也  
詔問何以知  
曰見爾雜  
秘書知  
帛百匹

後進居無塵雜家有賜書辭賦清新屬言玄遠室邇人  
曠物疎道親養素丘園台階虛位庠序公朝萬夫傾望  
豈徒荀令可想李公不亡而已哉前晉安郡侯官令東  
海王僧孺年三十五字僧孺理尚棲約思致恬敏既筆  
耕為養亦備書成學至乃集螢映雪編蒲緝柳先言往  
行人物雅俗甘泉遺儀南宮故事畫地成圖抵掌可述  
豈直鼯鼠有必對之辯竹書無落簡之謬陳坐鎮雅俗  
弘益已多僧孺訪對不休質疑斯在並東序之秘寶瑚  
璣之茂器誠言以人廢而才實世資臨表悚戰猶懼末  
允不任下情

評苑

卷之十



有於簡山得  
簡一牧野行科  
斗書人莫能  
司空張華以開  
束管自比明  
市頭飾法華  
文驗之果然

為褚諮議秦讓代兄襲封表

秦南康郡公褚淵  
嫡子少出外繼有

庶兄賁襲爵秦既長大賁上表請歸封於秦  
天子許焉而秦上此表讓也表與集詳則不

任昉

臣蔡言書作昨昨被同徒符仰稱詔旨許臣兄賁所請以臣襲

封南康郡公臣門籍動蔭光錫土宇臣賁世載承家允

膺長德而深鑒止足脫屣千乘遂不遠謬推恩近萃庸

薄能以國讓弘義有歸匹夫難奪守以勿貳昔武始迫

家臣之策陵陽感鮑生之言張以誠請下為理屈且朱

臣以太宗絕緒命臣出纂傍統稟承在昔理絕終天永

惟情事觸自崩隕若使實高延陵之風臣忘子臧之節

是廢德舉豈曰能賢陛下察其丹款特賜停絕不然投

身草澤苟遂愚誠爾不任丹款之至謹詣闕拜表以聞

臣誠惶誠恐

為范始興作求立太宰碑表

竟陵文宣王子良  
薨西昌侯以天子

命假黃鉞贈太宰建武中故吏  
范雲上表為子良立碑事不行

任昉

臣雲言原夫存樹風猷沒著徽烈既絕故老之口必資

不刊之書而載諸名山則陵谷遷賢庶之延閣則青編

落簡然則配天之迹存乎泗水之上素王之道紀於沂

川之側由是崇師之義擬迹於西河尊主之情致之於

堯禹故精廬妥啓必窮鐫勒之盛君長一城亦盡刊刻

之美况乎甄陶周召舜禹伊顏故太宰竟陵文宣王臣  
某與存與亡則義形社稷嚴天配帝則周公其人體國  
端朝出藩入守進思必告之道退無苟利之專五教以  
倫百揆時序若夫一言一行盛德之風琴書藝業述作  
之茂道非兼濟事止樂善亦無得而稱焉人之云亡忽  
移歲序鳴鶴東徙松檟成行六府臣僚三藩士女人蓄  
湘素家懷鈔筆瞻彼景山徒然望墓昔晉氏初禁立碑  
魏舒之臣亦從班列而阮粵既泯故首冒嚴科為之者  
竟免刑戮置之者反蒙嘉歎至於道被如仁功恭微管  
本宜在常均之外故太宰淵丞相親賢並軌即為成

規乞依二公前例賜許刊立寧容使長想九原樵蘇罔  
識其禁駐蹕長陵輪軒不知所適臣卑間孤賤才無可  
甄值齊網之弘施賓客之禁策名委質忽焉二紀慮先  
大馬厚恩不答而敝帷毀蓋未辱螻蟻珠襦玉匣遠飾  
幽泉陛下弘獎名教不隔微物使臣得駿奔南浦長號  
荆陵既曲逢前施實仰觀後澤儻驗杜預山頂之言庶  
存馬駁必拜之感臨表悲懼言不自宣

上書類 上書秦始皇

李斯 荆楚上蔡人也西說

臣聞吏議逐客竊以為過矣昔者穆公求士西取由余

國來間秦以作澆淳覺秦大臣請一切逐下  
客李斯亦在逐中乃上書請除逐客之令

於戎東得百里奚於宛迎蹇叔於宋來邳豹公孫支於  
晉此五子者不產於秦而穆公用之并國三十遂霸西  
戎孝公用商鞅之法移風易俗民以殷盛國以富強百  
姓樂用諸侯親服獲楚魏之師舉地千里至今治強惠  
王用張儀之計拔三川之地西并巴蜀北收上郡南取  
漢中蜀地包九夷制鄢郢東劇成臯之險割膏腴之壤遂散  
六國之從使之西向事秦功施到今昭王得范雎廢穰  
侯逐華陽強公室杜私門蠶食諸侯使秦成帝業此四  
君皆以客之功由此觀之客何負於秦哉向使四君却  
客而不納踈士而不與是使國無富利之實而秦無強

大之名也。今陛下致崑山之玉有和氏之寶垂明月之  
珠服太阿之劍乘織離之馬建翠鳳之旗樹靈鱗之鼓  
此數寶者秦不生焉而陛下悅之何也必秦國之所  
生然後可則夜光之璧不飾朝廷犀象之器不為玩好  
而趙衛之女不充後庭駿馬馱馱不實外廐江南金錫  
不為用蜀之丹青不為采所以飾後宮充下陳娛心意  
悅耳目者必出於秦然後可則是宛珠之簪傅璣之珥  
阿縞之衣錦繡之飾不進於前而隨俗雅化佳治窈窕  
趙女不立於側也夫擊甕扣缶彈箏搏鞞而歌嗚嗚快  
耳者真秦之聲也鄭衛桑間韶虞武象者異國之樂也

今棄擊甕而就鄭衛退彈箏而取韶虞若是者何也快  
意當前適觀而已矣今取人則不然不問可否不論曲  
直非秦者去為客者逐然則是所重者在乎色樂珠玉  
而所輕者在乎民人此非所以跨海內制諸侯之術也  
臣聞地廣者粟多國大者人眾兵強者則士勇是以秦  
山不讓土壤故能成其大河海不擇細流故能就其深  
王者不却衆庶故能明其德是以地無四方民無異國  
四時充美鬼神降福此五帝三王之所以無敵也今乃  
棄黔首以資敵國却賓客以業諸侯使天下之亡退而  
不敢西裹足不入秦此所謂藉寇兵而齎盜糧者也夫

物不產於秦可寶者多士不產於秦願忠者衆今逐客  
以資敵國損民以益敵內自虛而外以樹怨諸侯求國  
無危不可得也

上書吳王

陽事吳王濞王有邪謀陽奏書諫隱  
惡不欲指斥言故先引秦為喻因道

胡越齊趙淮南之  
難然後乃致其意

鄒陽  
陽齊人

臣聞秦倚曲臺之宮懸衡天下畫地而人不犯兵加胡  
越至其晚節末路張耳陳勝連從兵之據以叩函谷咸  
陽遂危何則列郡不相親萬室不相救也今胡數涉  
非河之外上覆飛鳥下不見伏兔關城不休救兵不至  
死者相隨輦車相屬轉粟流輸千里不絕何則強趙責

於河間。六齊望於惠后。城陽顧於盧博。三淮南之心思墳墓。大主不憂。臣恐救兵之不專。胡馬遂進。窺於邯鄲。越水長沙。還舟青陽。雖使梁并淮陽之兵。下淮東。越廣陵。以遏越人之糧。漢亦折西河而下。北守漳水。以輔大國。胡亦益進。越亦益深。此臣之所為大王患也。臣聞蛟龍驤首奮翼。則浮雲出流。霧雨咸集。聖王砥節修德。則游談之士歸義。思名。今臣盡智畢議。易精極慮。則無國而不可奸。飾固陋之心。則何王之門不可曳長裾乎。然臣所以歷數王之朝。背淮千里而自致者。非惡臣國而樂吳民也。竊高下風之行。尤說大王之義。故願大王無

忽察聽。其至。臣聞鷲鳥累百。不如一鶚。夫全趙之時。武力鼎峙。校服叢臺之下者。一旦成市。不能止幽王之沈患。淮南山東之俠死士。盈朝不能還厲王之西也。然則計議不得。雖諸賁不能安其位。亦明矣。故願大王審畫而已。始孝文皇帝據關入立。寒心銷志。不明求衣。自立天子之後。使東牟朱虛東襲儀父之後。深割嬰兒王之壤。子王梁代益。以淮陽卒。什濟北囚弟於雍者。豈非象新垣等哉。今天子新據先帝之遺業。左規山東。右制關中。變權易勢。大臣難知。大主弗察。臣恐周鼎復起於漢。新垣過計於朝。則我吳遺嗣不可期於世矣。高皇帝

燒棧道灌章邯兵不留行收弊人之倦東馳函谷西楚  
大破水攻則章邯以亡其城陸擊則荆主以失其地此  
皆國家之不幾者也願大主熟察之

與于王孫分蓋又蘇則洋江微此因陳為陳香道非  
立天子六外則東中米也東漢增以之於東唐嬰良王  
置而曰故家文之甲就關人立志必能去木湖米其用  
限精精不辨幾謂真不辨其並本即矣如願大主  
惠南山東之對不士益傳不道數關臣之西海然  
不歸士林則幾蓋之江昔一阻城亦不指山幽主之必  
評苑文選傍訓大全卷之十終

